


КРАТКІЙ МОЛИТВОСЛОВЪ



ΑΘΗΝΑ 2008

Πομολιησέο ο βολιησέμ ηερεΐ Ανδρεΐ

Έκδοηική Έπιμέλεια: π. Ανδρέας Σύδνεβ
Τηλ. 210 244 66 72
Ρεδαηορΐ-σοςαιηιηο ο. Ανδρεη Σιδνεβΐ
Τελ. 210 244 66 72 (Αθινη)

КРАТКІЙ МОЛИТВОСЛОВЪ

Молитвы утреннія

Воставъ отъ сна, прежде всякаго другаго дѣла, стань благоговѣно, представляя себя предъ Всевидящимъ Богомъ, и, совершая крестное знаменіе, произнеси:

Во имя Отца, и Сына, и Святаго Духа. Аминь.

Затѣмъ немного подожди, пока всѣ чувства твои не придутъ въ тишину и мысли твои не оставятъ все земное, и тогда произнеси слѣдующія молитвы, безъ поспѣшности и со вниманіемъ сердечнымъ:

Молитва мытаря (Евангеліе отъ Луки, глава 18, стихъ 13)

Боже, милостивъ буди мнѣ грѣшному. (Поклонъ)

Молитва предначинательная

Господи Иисусе Христе, Сынѣ Божій, молитвъ ради Пречистыя Твоея Матере и всѣхъ святыхъ, помилуй насъ.

Аминь.

Слава Тебѣ, Боже нашъ, слава Тебѣ.

Молитва Святому Духу

Царю Небесный, Утѣшителю, Душѣ истины, Иже вездѣ сый и вся исполняяй, Сокровище благихъ и жизни Подателю, прииди и вселися въ ны, и очисти ны отъ всякія скверны, и спаси, Блаже, души наша.

Трисвятое

Святыи Боже, Святыи Крѣпкій, Святыи Безсмертный, помилуй насъ. (Читается трижды, съ крестнымъ знаменіемъ и пояснымъ поклономъ.)

Слава Отцу и Сыну и Святому Духу, и нынѣ и присно и во вѣки вѣковъ. Аминь.

Молитва ко Пресвятой Троицѣ

Пресвятая Троицѣ, помилуй насъ; Господи, очисти грѣхи наша; Владыко, прости беззаконія наша; Святыи, посѣти и исцѣли немощи наша, имене Твоего ради.

Господи, помилуй. (Трижды) Слава, и нынѣ.

Молитва Господня

Отче нашъ, Иже еси на небесѣхъ! Да святится имя Твое, да приидеть Царствіе Твое, да будетъ воля Твоя, яко на небеси и на земли. Хлѣбъ нашъ насущный даждь намъ днесь; и остави намъ долги наша, якоже и мы оставляемъ должникомъ нашимъ; и не введи насъ во искушеніе, но избави насъ отъ лукаваго.

Тропари Троичныя

Воставше отъ сна, припадаемъ Ти, Блаже, и ангельскую пѣснь вопіемъ Ти, Сильне: Святъ, Святъ, Святъ еси, Боже, Богородицею помилуй насъ.

Слава: **Отъ** одра и сна воздвигль мя еси, Господи, умъ мой просвѣти и сердце, и устнѣ мои отверзи, во еже пѣти Тя, Святая Троицѣ: Святъ, Святъ, Святъ еси, Боже, Богородицею помилуй насъ.

И нынѣ: **В**незапно Судія приидеть, и коегождо дѣянія обнажатся, но страхомъ зовемъ въ полунощи: Святъ, Святъ, Святъ еси, Боже, Богородицею помилуй насъ.

Господи, помилуй. *(12 разъ)*

Молитва ко Пресвятой Троицѣ

Отъ сна воставъ, благодарю Тя, Святая Троицѣ, яко многія ради Твоея благодсти и долготерпѣнія не прогнѣвался еси на мя, лѣниваго и грѣшнаго, ниже погубилъ мя еси со беззаконьми моими; но чловѣколюбствоваль еси обычно и въ нечаяніи лежащаго воздвигль мя еси, во еже утреневати и славословити державу Твою. И нынѣ просвѣти мои очи мысленныя, отверзи моя уста поучатися словесемъ Твоимъ, и разумѣти заповѣди Твоя, и творити волю Твою, и пѣти Тя во исповѣданіи сердечнѣмъ, и воспѣвати всесвятое имя Твое, Отца и Сына и Святаго Духа, нынѣ и присно и во вѣки вѣковъ. Аминь.

Придите, поклонимся Цареві нашему Богу. *(Поклонъ)*

Придите, поклонимся и припадемъ Христу, Цареві нашему Богу. *(Поклонъ)*

Придите, поклонимся и припадемъ Самому Христу, Цареві и Богу нашему. *(Поклонъ)*

Псаломъ 50

Помилуй мя, Боже, по величїи милости Твоей, и по множеству щедротъ Твоихъ очисти беззаконїе мое. Наипаче омой мя отъ беззаконїя моего, и отъ грѣха моего очисти мя; яко беззаконїе мое азъ знаю, и грѣхъ мой предо мною есть выну. Тебѣ единому согрѣшихъ и лукавое предъ Тобою сотворихъ; яко да оправдиши ся во словесѣхъ Твоихъ, и побѣдиши вегда судити Ти. Се бо, въ беззаконїихъ зачатъ есмь, и во грѣсѣхъ роди мя мати моя. Се бо, истину возлюбилъ еси; безвѣстная и тайная премудрости Твоя явилъ ми еси. Окропиши мя вссопомъ, и очищуся; омыеши мя, и паче снѣга убѣлюся. Слуху моему даси радость и веселїе; возрадуются кости смиренныя. Отврати лицѣ Твое отъ грѣхъ моихъ и вся беззаконїя моя очисти. Сердце чисто созижди во мнѣ, Боже, и духъ правъ обнови во утробѣ моей. Не отвержи мене отъ лица Твоего и Духа Твоего Святаго не отыми отъ мене. Воздаждь ми радость спасенїя Твоего и Духомъ Владычнимъ утверди мя. Научу беззаконныя путемъ Твоимъ, и нечестивїи къ Тебѣ обратятся. Избави мя отъ кровей, Боже, Боже спасенїя моего; возрадуется языкъ мой правдѣ Твоей. Господи, устнѣ мои отверзеши, и уста моя возвѣстятъ хвалу Твою. Яко аще бы восхотѣлъ еси жертвы, даль быхъ убо: всесожженїя не благоволиши. Жертва Богу духъ сокрушень; сердце сокрушенно и смиренно Богъ не уничижитъ. Ублажи, Господи, благоволенїемъ Твоимъ Сїона, и да созиждутся стѣны Іерусалимскїя. Тогда благоволиши жертву правды, возношенїе и всесожигаемая; тогда возложатъ на олтарь Твой тельцы.

Символь вѣры

Вѣрую во единого Бога Отца, Вседержителя, Творца небу и земли, видимымъ же всѣмъ и невидимымъ. И во единого Господа Иисуса Христа, Сына Божїя, Единородного, Иже отъ Отца рожденнаго прежде всѣхъ вѣкъ; Свѣта отъ Свѣта, Бога истинна отъ Бога истинна, рожденна, несотворенна, единосущна Отцу, Имже вся быша. Насъ ради человекъ и нашего ради спасенїя сшедшаго съ небесъ и воплотившагося отъ Духа Свята и Марїи Дѣвы, и вочеловѣчшася. Распятаго же за ны при Понтїйстемъ Пилатѣ, и страдавша, и погребенна. И воскресшаго въ третїй день по

Писаніємъ. И возшедшаго на небеса, и сядяща одесную Отца. И паки грядущаго со славою судити живымъ и мертвымъ, Егоже Царствію не будетъ конца. И въ Духа Святаго, Господа, Животворящаго, Иже отъ Отца исходящаго, Иже со Отцемъ и Сыномъ спокланяема и сславима, глаголавшаго пророки. Во едину Святуу, Соборную и Апостольскую Церковь. Исповѣдую едино крещеніе во оставленіе грѣховъ. Чаю воскресенія мертвыхъ, и жизни будущаго вѣка. Аминь.

Молитва 1-я, святаго Макарія Великаго

Боже, очисти мя грѣшнаго, яко николиже сотворихъ благое предъ Тобою; но избави мя отъ лукаваго, и да будетъ во мнѣ воля Твоя, да неосужденно отверзу уста моя недостойная и восхвалю имя Твое святое, Отца и Сына и Святаго Духа, нынѣ и присно и во вѣки вѣковъ. Аминь.

Молитва 2-я, того же святаго

Отъ сна воставъ, полунощную пѣснь приношу Ти, Спасе, и припадая вопію Ти: не даждь ми уснути во грѣховнѣй смерти, но ущедри мя, распныйся волею, и лежащаго мя въ лѣности ускоривъ возстави, и спаси мя въ предстояніи и молитвѣ, и по снѣ нощнѣмъ возсіяй ми день безгрѣшенъ, Христе Боже, и спаси мя.

Молитва 3-я, того же святаго

Къ Тебѣ, Владыко Человѣколюбче, отъ сна возставъ прибѣгаю, и на дѣла Твоя подвигаюся милосердіемъ Твоимъ, и молюся Тебѣ: помози ми на всякое время, во всякой вещи, и избави мя отъ всякія мірскія злыя вещи и діавольскаго поспѣшенія, и спаси мя, и введи въ Царство Твое вѣчное. Ты бо еси мой Сотворитель и всякому благу Промысленникъ и Податель, о Тебѣ же все упование мое, и Тебѣ славу возсылаю, нынѣ и присно и во вѣки вѣковъ. Аминь.

Молитва 4-я, того же святаго

Господи, Иже многою Твоею благостію и великими щедротами Твоими далъ еси мнѣ, рабу Твоему, мимошедшее время нощи сѣя безъ напасти перейти отъ всякаго зла противна; Ты Самъ, Владыко, всяческихъ Творче, сподоби мя истиннымъ Твоимъ свѣтомъ и

просвѣщеннымъ сердцемъ творити волю Твою, нынѣ и присно и во вѣки вѣковъ. Аминь.

Молитва 5-я, Василия Великаго

Господи Вседержителю, Боже силъ и всякія плоти, въ вышнихъ живый и на смиренныя призираи, сердца же и утробы испытуай и сокровенная челоуѣковъ явѣ предвѣдый, Безначальный и Присносущный Свѣте, у него же нѣсть примѣненіе, или приложенія осѣненіе; Самъ, Безсмертный Царю, приими моленія наша, яже въ настоящее время, на множество Твоихъ щедротъ держающе, отъ скверныхъ къ Тебѣ устенъ творимъ, и остави намъ прегрѣшенія наша, яже дѣломъ, и словомъ, и мыслию, вѣдѣніемъ, или невѣдѣніемъ согрѣшенная нами; и очисти ны отъ всякія скверны плоти и духа. И даруй намъ бодреннымъ сердцемъ и трезвенною мыслию всю настоящаго житія ношь прейти, ожидающимъ пришествіе свѣтлаго и явленнаго днѣ Единороднаго Твоего Сына, Господа и Бога и Спаса нашего Іисуса Христа, въ онъже со славою Судія всѣхъ придетъ, комуждо воздати по дѣломъ его; да не падше и облѣнившеса, но бодрствующе и воздвижени въ дѣланіе обрящеса готови, въ радость и Божественный чертогъ славы Его совнидемъ, идѣже празднующихъ гласъ непрестанный, и неизреченная сладость зрящихъ Твоего лица доброту неизреченную. Ты бо еси истинный Свѣтъ, просвѣщай и освящай всяческая, и Тя поеть вся тварь во вѣки вѣковъ. Аминь.

Молитва 6-я, того же святаго

Тя благословимъ, вышній Боже и Господи милости, творящаго присно съ нами великая же и неизслѣдованная, славная же и ужасная, ихъ же нѣсть числа, подавшаго намъ сонъ во упокоеніе немощи нашея, и ослабленіе трудовъ многотрудныя плоти. Благодаримъ Тя, яко не погубилъ еси насъ со беззаконными нашими, но челоуѣколюбствовала еси обычно, и въ нечаяніи лежащія ны воздвиглъ еси, во еже славословити державу Твою. Тѣмже молимъ безмѣрную Твою благодать, просвѣти наша мысли, очеса, и умъ нашъ отъ тяжкаго сна лѣности возстави: отверзи наша уста, и исполни я Твоего хваленія, яко да возможемъ непоколеблемо пѣти же и исповѣдатися Тебѣ, во всѣхъ, и отъ всѣхъ славимому Богу,

Безначальному Отцу, со Единороднымъ Твоимъ Сыномъ, и Всесвятымъ и Благимъ и Животворящимъ Твоимъ Духомъ, нынѣ и присно и во вѣки вѣковъ. Аминь.

Молитва 7-я, ко Пресвятой Богородице

Воспѣваю благодать Твою, Владычицѣ, молю Тя, умъ мой облагодати. Ступати право мя настави, путемъ Христовыхъ заповѣдей. Бдѣти къ пѣсни укрѣпи, унынїя сонъ отгоняючи. Связана пленицами грѣхопадений, мольбами Твоими разрѣши, Богоневѣсто. Въ нощи мя и во дни сохраняй, борющихся врагъ избавляючи мя. Жизнодателя Бога рождшая, умервщлена мя страстьми оживи. Яже свѣтъ невечернїй рождшая, душу мою ослѣпшую просвѣти. О, дивная Владычня палато, домъ Духа Божественнаго мене сотвори. Врача рождшая, уврачуй души моя многолѣтнїя страсти. Волнующася житейскою бурєю, ко стези мя покаянїя направи. Избави мя огня вѣчноущаго, и червія же злаго, и тартарара. Да мя не явиши бѣсомъ радованїе, иже многимъ грѣхомъ повинника. Нова сотвори мя, обетшавшаго нечувственными, Пренепорочная, согрѣшенїи. Странна муки всякія покажи мя, и всѣхъ Владыку умоли. Небесная ми уллучити веселїя, со всѣми святыми, сподоби. Пресвятая Дѣво, услыши гласъ непотребнаго раба Твоего. Струю давай мнѣ слезамъ, Пречистая, души моя скверну очищаючи. Стенанїя отъ сердца приношу Ти непрестанно, усердствуй, Владычицѣ. Молебную службу мою прїими, и Богу благоутробному принеси. Превышшая ангель, мїрскаго мя превышша слитїя сохрани. Свѣтоносная сѣне небесная, духовную благодать ко мнѣ направи. Руцѣ воздѣю и устнѣ къ похваленїю, осквернены скверною, Всенепорочная. Душетлѣнныхъ мя пакостей избави, Христа прилежно умоляючи; Емуже честь и поклоненїя подобаетъ, нынѣ и присно, и во вѣки вѣковъ. Аминь.

Молитва 8-я, Господу нашему Іисусу Христу

Многомилостиве и Всемилостиве Боже мой, Господи Іисусе Христе, многїя ради любви сшелъ и воплотился еси, яко да спасеши всѣхъ. И паки, Спасѣ, спаси мя по благодати, молю Тя; аще бо отъ дѣлъ спасеши мя, нѣсть се благодать и даръ, но долгъ паче.

Ей, многій въ щедротахъ и неизреченный въ милости! Вѣруй бо въ Мя, рекль еси, о Христе мой, живъ будетъ и не узритъ смерти во вѣки. Аще убо вѣра, яже въ Тя, спасаетъ отчаянныхъ, се вѣрую, спаси мя, яко Богъ мой еси Ты и Создатель. Вѣра же вмѣсто дѣла да вмѣнится мнѣ, Боже мой, не обрящещи бо дѣлъ отнюдь оправдающихъ мя. На та вѣра да довлѣетъ вмѣсто всѣхъ, та да отвѣщаетъ, та да оправдитъ мя, та да покажетъ мя причастника славы Твоея вѣчныя. Де не убо похититъ мя сатана, и похвалится, Словѣ, еже отторгнути мя отъ Твоея руки и ограда; но или хочу, спаси мя, или не хочу, Христе Спасе мой, предвари скоро, скоро, погибохъ: Ты бо еси Богъ мой отъ чрева матери моя. Сподоби мя, Господи, нынѣ возлюбити Тя, якоже возлюбихъ иногда той самый грѣхъ; и паки поработати Тебѣ безъ лѣности тощю, якоже поработахъ прежде сатанѣ льстивому. Наипаче же поработаю Тебѣ, Господу и Богу моему Иисусу Христу, во вся дни живота моего, нынѣ и присно, и во вѣки вѣковъ. Аминь.

Молитва 9-я, къ ангелу-хранителю

Святый Ангеле, предстояй окаянной моей души и страстной моей жизни, не остави мене грѣшнаго, ниже отступи отъ мене за невоздержаніе мое. Не даждь мѣста лукавому демону обладати мною насильствомъ смертнаго сего тѣлесе; укрѣпи бѣдствующую и худую мою руку и настави мя на путь спасенія. Ей, святой Ангеле Божій, хранителю и покровителю окаянныхъ моя души и тѣла, вся мнѣ прости, еликими тя оскорбихъ во вся дни живота моего, и аще что согрѣшихъ въ прешедшую ночь сію, покрый мя въ настоящій день, и сохрани мя отъ всякаго искушенія противнаго, да ни въ коемъ же грѣсѣ прогнѣваю Бога, и молися за мя ко Господу, да утвердитъ мя въ страхъ Своемъ и достойна покажетъ мя раба Своя благодати. Аминь.

Молитва 10-я, ко Пресвятей Богородицѣ

Пресвятая Владычице моя Богородице, святыми Твоими и все-сильными мольбами, отжени отъ мене смиреннаго и окаяннаго раба Твоего уныніе, забвеніе, неразуміе, нерадѣніе, и вся скверная, лукавая и хульная помышленія отъ окаяннаго моего сердца и отъ помраченнаго ума моего; и погаси пламень страстей моихъ,

яко нищъ есмь и окаяненъ. И избави мя отъ многихъ и лютыхъ воспоминаній и предпріятій, и отъ всѣхъ дѣйствъ злыхъ свободы мя. Яко благословенна еси отъ всѣхъ родовъ, и славится пречестное имя Твое во вѣки вѣковъ. Аминь.

Молитвенное призываніе святого, егоче имя носиши

Моли Бога о мнѣ, святой угодниче Божій (имя), яко азъ усердно къ тебѣ прибѣгаю, скорому помощнику и молитвеннику о душѣ моей.

Пѣснь Пресвятей Богородицѣ

Богородице Дѣво, радуйся, Благодатная Маріе, Господь съ Тобою; благословенна Ты въ женахъ и благословенъ Плодь чрева Твоего, яко Спаса родила еси душъ нашихъ.

Тропарь Кресту и молитва за отечество

Спаси, Господи, люди Твоя, и благослови достояніе Твое, побѣды царемъ на сопротивныя даруя, и Твое сохраняя Крестомъ Твоимъ жительство.

Молитва о живыхъ

Спаси, Господи, и помилуй отца моего духовнаго (имя), родителей моихъ (имена), сродниковъ (имена), начальниковъ, наставниковъ, благодѣтелей (имена ихъ) и всѣхъ православныхъ христіанъ.

Молитва о усопшихъ

Упокой, Господи, души усопшихъ рабъ Твоихъ: родителей моихъ, сродниковъ, благодѣтелей (имена ихъ), и всѣхъ православныхъ христіанъ, и прости имъ вся согрѣшенія вольная и невольная, и даруй имъ Царствіе Небесное.

Если можешь, читай вместо краткихъ молитвъ о живыхъ и усопшихъ этотъ помянникъ:

О живыхъ

Помяни, Господи Іисусе Христе, Боже нашъ, милости и щедроты Твоя отъ вѣка сущія, ихже ради и вочеловѣчился еси, и распятіе и смерть, спасенія ради право въ Тя вѣрующихъ, претерпѣти изволил еси; и воскресъ изъ мертвыхъ, вознеслся еси на небеса и сѣдиши одесную Бога Отца, и призираеши на смиренныя мольбы

всѣмъ сердцемъ призывающихъ Тя; приклони ухо Твое, и услыши смиренное моленіе мене, непотребнаго раба Твоего, въ воню благоуханія духовнаго, Тебѣ за вся люди Твоя приносящаго. И въ первыхъ помяни Церковь Твою Святую, Соборную и Апостольскую, юже снабдѣлъ еси честною Твоею Кровію, и утверди, и укрѣпи, и разшири, умножи, умири, и непребориму адовыми враты во вѣки сохрани; раздираніе Церквей утиши, шатанія языческаго угаси, и ересей возстаніе скоро разори и искорени, и въ ничтоже силою Святаго Твоего Духа обрати. *(Поклонъ)*

Спаси, Господи, и помилуй страждущую страну нашу Россійскую и православныхъ людей ея во Отечество и разсѣяніи въ тяжкихъ обстояніяхъ сущихъ, да избавиши люди Своя отъ горькаго мучительства антихристовы власти, въ насъ же утверди единомысліе, братолюбіе и благочестіе. *(Поклонъ)*

Спаси, Господи, и помилуй Архіепископа нашего (имя), преосвященныя митрополиты и епископы православныя, іереи же и діаконы, и весь причетъ церковный, яже поставилъ еси пасти словесное Твое стадо, и молитвами ихъ помилуй и спаси мя грѣшнаго. *(Поклонъ)*

Спаси, Господи, и помилуй отца моего духовнаго *(имя рекъ)*, и святыми его молитвами прости моя согрѣшенія. *(Поклонъ)*

Спаси, Господи, и помилуй родители моя *(имена ихъ)*, братію и сестры, и сродники моя по плоти, и вся ближнія рода моего, и други, и даруй имъ мирная Твоя и премірная благая. *(Поклонъ)*

Спаси, Господи, и помилуй старцы и юныя, нищыя и сироты и вдовицы, и сущія въ болѣзни и въ печалехъ, бѣдахъ же и скорбехъ, обстояніихъ и плѣненіихъ, темницахъ же и заточеніихъ, изряднѣ же въ гоненіихъ, Тебе ради и вѣры православныя, отъ языкъ, безбожныхъ, отъ отступникъ и отъ еретиковъ, сущыя рабы Твоя, и помяни я, посѣти, укрѣпи, утѣши, и вскоре силою Твоею ослабу, свободу и избаву имъ подаждь. *(Поклонъ)*

Спаси, Господи, и помилуй посланныя въ службу, путешествующыя, отцы и братію нашу, и вся православныя христіаны. *(Поклонъ)*

Спаси, Господи, и помилуй ихже азъ безуміемъ моимъ соблазнихъ, и отъ пути спасительнаго отвратихъ, къ дѣломъ злымъ и

неподобнымъ приведохъ; Божественнымъ Твоимъ Промысломъ къ пути спасенія паки возврати. *(Поклонъ)*

Спаси, Господи, и помилуй ненавидящяя и обидящяя мя, и творящяя ми напасти, и не остави ихъ погибнути мене ради грѣшнаго. *(Поклонъ)*

Отступившыя отъ православныя вѣры и погибельными ересыми ослѣпленныя, свѣтомъ Твоего познанія просвѣти и Святѣй Твоей Апостольстѣй Соборнѣй Церкви причти. *(Поклонъ)*

О усопшихъ

Помяни, Господи, отъ житія сего отшедшыя правовѣрныя цари и царицы, благовѣрныя князи и княгини, святѣйшыя патріархи, преосвященныя митрополиты, архієпископы и епископы православныя, во иерейстѣмъ же и причтѣ церковнѣмъ, и монашестѣмъ чинѣ Тебѣ послужившыя, и въ вѣчныхъ Твоихъ селеніихъ со святыми упокой. *(Поклонъ)*

Помяни, Господи, души усопшихъ рабовъ Твоихъ, родителей моихъ *(имена ихъ)*, и всѣхъ сродниковъ по плоти; и прости ихъ вся согрѣшенія вольная и невольная, даруя имъ Царствіе и причастіе вѣчныхъ Твоихъ благихъ и Твоея безконечныя и блаженныя жизни наслажденіе. *(Поклонъ)*

Помяни, Господи, и вся въ надежди воскресенія и жизни вѣчныя усопшыя, отцы и братію нашу, и сестры, и здѣ лежащія и повсюду, православныя христіаны, и со святыми Твоими, идѣже присѣщаетъ свѣтъ лица Твоего, всели, и насъ помилуй, яко Благъ и Человѣколюбецъ. Аминь. *(Поклонъ)*

Подаждь, Господи, оставленіе грѣховъ всѣмъ прежде отшедшымъ въ вѣрѣ и надежди воскресенія, отцемъ, братіямъ и сестрамъ нашимъ и сотвори имъ вѣчную память. *(Трижды)*

Окончаніе молитвъ

Достойно есть яко воистинну блажити Тя Богородицу, Присноблаженную и Пренепорочную и Матерь Бога нашего. Честнѣйшую Херувимъ и Славнѣйшую безъ сравненія Серафимъ, безъ ислѣнія Бога Слово рождшую, сущую Богородицу Тя величаемъ.

Слава, и нынѣ: Господи, помилуй. (Трижды)

Господи, благослови.

Господи, Иисусе Христе, Сыне Божій, молитвъ ради Пречистыя Твоя Матере, преподобныхъ и богоносныхъ отецъ нашихъ и всѣхъ святыхъ помилуй насъ. Аминь.

Молитвы въ продолженіи дня.

Передъ началомъ всякаго дѣла: Господи, благослови.

Или:

Господи Иисусе Христе, Сыне Единородный Безначальнаго Твоего Отца, Ты рекль еси пречистыми усты Твоими: яко безъ Мене не можете творити ничесоже. Господи мой, Господи, вѣрою объемъ въ души моей и сердцы Тобою реченная, припадаю Твоей благости: помози ми грѣшному сіе дѣло, мною начинаемо, о Тебѣ Самѣмъ совершити, во имя Отца и Сына и Святаго Духа. Аминь.

По окончаніи всякаго дѣла:

Слава Тебѣ, Господи.

Или:

Исполненіе всѣхъ благихъ Ты еси, Христе мой, исполни радости и веселія душу мою и спаси мя, яко единъ многомилостивъ.

Предъ ученіемъ:

Царю Небесный, Утѣшителю, Душе истины, Иже вездѣ сый и вся исполняй, Сокровище благихъ и жизни Подателю, прииди и вселися въ ны, и очисти ны отъ всякія скверны, и спаси, Блаже, души наша.

Или:

Преблагій Господи! низпосли намъ благодать Духа Твоего Святаго, дарствующаго и укрѣпляющаго душевныя наша силы, дабы внимающе преподаваемому намъ ученію, возрасли мы Тебѣ нашему Создателю во славу, родителемъ же нашимъ на утѣшеніе, Церкви и отечеству на пользу.

Послѣ ученія:

Достойно есть, яко воистину, блажити Тя Богородицу, присноблаженную и пренепорочную и Матерь Бога нашего. Честнѣйшую херувимъ и славнѣйшую безъ сравненія серафимъ, безъ ислѣнія Бога Слова рождшую, сущую Богородицу Тя величаемъ.

Или:

Благодаримъ Тебе, Создателю, яко сподобилъ еси насъ благодати Твоея, во еже внимати ученію. Благослови нашихъ начальниковъ, родителей и учителей, ведущихъ насъ къ познанію блага, и подаждь намъ силу и крѣпость къ продолженію ученія сего.

Предъ обѣдомъ и ужиномъ:

Отче нашъ, Иже еси на небесѣхъ! да святится имя Твое, да придетъ Царствіе Твое: да будетъ воля Твоя, яко на небеси, и на земли. Хлѣбъ нашъ насущный даждь намъ днесь: и остави намъ долги наша, якоже и мы оставляемъ должникомъ нашимъ: и не введи насъ во искушеніе, но избави насъ отъ лукаваго.

Молитвы на сонъ грядущимъ.

Во имя Отца И Сына и Святаго Духа. Аминь!

Господи Иисусе Христе, Сыне Божій, молитвъ ради Пречистыя Твоея Матере, преподобныхъ и Богоносныхъ отецъ нашихъ и вѣхъ святыхъ, помилуй насъ. Аминь.

Слава Тебѣ, Боже нашъ, слава Тебѣ.

Царю Небесный, Утѣшителю, Душе истины, Иже вездѣ сый и вся исполняй, Сокровище благихъ и жизни Подателю, прииди и вселися въ ны, и очисти ны отъ всякія скверны, и спаси, Блаже, души наша.

Святой Боже, Святой крѣпкій, Святой безсмертный, помилуй насъ (*трижды*).

Слава Отцу, и Сыну, и Святому Духу, и нынѣ и присно и во вѣки вѣковъ. Аминь,

Пресвятая Троице, помилуй насъ: Господи, очисти грѣхи наша: Владыко, прости беззаконія наша: Святой, посѣти и исцѣли немощи наша, имене Твоего ради.

Господи, помилуй (*трижды*).

Слава Отцу, и Сыну, и Овятому Духу, и нынѣ и присно, и во вѣки вѣковъ. Аминь.

Отче нашъ, Иже еси на небесѣхъ! да святится имя Твое, да приидеть Царствіе Твое, да будетъ воля Твоя, яко на небеси, и на земли. Хлѣбъ нашъ насущный даждь намъ днесь: и остави намъ долги наша, якоже и мы оставляемъ должникомъ нашимъ, и не введи насъ во искушеніе, но избави насъ отъ лукаваго.

Тропари:

Помилуй насъ, Господи, помилуй насъ: всякаго бо отвѣта недоумѣюще сію Ти молитву яко Владыцѣ грѣшнии приносимъ: помилуй насъ.

Слава Отцу, и Сыну, и Святому Духу:

Господи, помилуй насъ, на Тя бо уповахомъ: не прогнѣвайся на ны зѣло, ниже помяни беззаконій нашихъ: но при зри и нынѣ яко благоутробень, и избави ны отъ врагъ нашихъ: Ты бо еси Богъ нашъ, и мы людіе Твои, вси дѣла руку Твоею, и имя Твое призываемъ.

И нынѣ и присно и во вѣки вѣковъ. Аминь.

Милосердія двери отверзи намъ, бла гословенная Богородице, надѣющіися на Тя да не погабнемъ, но да избавимся Тобою отъ бѣдъ: Ты бо еси спасеніе рода христіанскаго. Господи, помилуй (12).

Молитва 1-я, святаго Макарія Великаго:

Боже вѣчный и Царю всякаго созданія, сподобивый мя даже въ часъ сей dospѣти, прости ми грѣхи, яже сотворихъ въ сей день дѣломъ, словом и помышленіемъ, и очисти, Господи, смиренную мою душу отъ всякія скверны плоти и духа. И даждь ми, Господи, въ нощи сей сонъ прейти въ мирѣ, да воставъ отъ смиреннаго ми ложа, благоугожду пресвятому имени Твоему, во вся дни живота моего, и поперу борющія мя враги плотскія и безплотныя. И избави мя Господи, отъ помышлений суетныхъ, оскверняющихъ мя, и похотей лукавыхъ. Яко Твое есть царство, и сила и слава, Отца, и Сына, и Святаго Духа, нынѣ и присно, и во вѣки вѣковъ. Аминь.

Молитва 2-я, святаго Антіоха:

Вседержителю, Слово Отчее, Самъ совершенъ сый, Иисусе Христе, многаго ради милосердія Твоего никогдаже отлучайся мене раба Твоего, но всегда во мнѣ почивай. Иисусе, добрый Пастырю Твоихъ овецъ, не предаждь мене крамолѣ змінѣ и желанію сатанину не остави мене: яко сѣмя тли во мнѣ есть. Ты убо, Господи Боже поклоняемый, Царю Святей, Иисусе Христе, спяща мя сохрани немерцающимъ свѣтомъ, Духомъ Твоимъ Святымъ, Имже освятилъ еси Твоя ученики. Даждь, Господи, и мнѣ, недостойному рабу Твоему, спасеніе Твое на ложи моемъ: просвѣти умъ мой свѣтомъ разума святаго евангелія Твоего, душу любовію креста Твоего, сердце чистотою словесе Твоего, тѣло мое Твоею страстію безстрастною, мысль мою Твоимъ смиреніемъ сохрани, и воздвигни мя во время подобно на Твое славословіе. Яко препрославленъ еси со безначальнымъ Твоимъ Отцемъ и съ Пресвятымъ Духомъ во вѣки. Аминь.

Молитва 3-я, Святому Духу:

Господи, Царю небесный, Утѣшителю, Душе истины, умилосердися и помилуй мя грѣшнаго раба Твоего, и отпусти ми недостойному, и прости вся, елика согрѣшихъ днесъ, яко человекъ, паче же и не яко человекъ, но и горѣ скота: вольныя моя грѣхи и не-

вольныя, вѣдомыя и невѣдомыя: яже отъ юности и от науки злы, и яже суть отъ наглѣства и уныніа. Аще именовъ Твоимъ кляхся, или похулихъ е въ помышленіи моемъ: или кого укорихъ, или оклеветахъ кого гнѣвомъ моимъ, или опечалихъ, или о чемъ прогнѣвахся, или солгахъ, или безгодно спяхъ: или нищъ прииде ко мнѣ, и презрѣхъ его: или брата моего опечалихъ, или свадихъ, или кого осудихъ, или развеличахся, или разгордѣхся, или разгнѣвахся: или стояшу ми, на молитвѣ, умъ мой о лукавствіи міра сего подвижеся: или развращеніе помыслихъ: или объядохся, или опихся, или безъ ума смѣяхся: или лукавое помыслихъ, или доброту чуждую видѣвъ, и тою уязвленъ быхъ сердцемъ: или неподобная глаголахъ: или грѣху брата моего посмѣяхся, моя же суть безчисленная согрѣшенія: или о молитвѣ нерадихъ: или ино что содѣявъ лукавое, не помню: та бо вся и больша сихъ содѣяхъ. Помилуй мя, Творче мой, Владыко, унылаго и недостойнаго раба Твоего: и остави ми, и отпусти, и прости мя, яко благо и челоуѣколюбецъ: да съ миромъ лягу, усну и почію, блудный, грѣшный и окаянный азъ, и поклонюся, и воспою, и прославлю пречестное имя Твое, со Отцемъ, и едиnorodнымъ Его Сыномъ, нынѣ и присно и во вѣки. Аминь.

Молитва 4-я, святаго Макарія Великаго:

Что Ти принесу? или что Ти воздамъ, великодаровитый безсмертный Царю, щедре и челоуѣколюбче Господи? яко лентящая мене на Твое угожденіе, и ничтоже благо сотворша, привель еси на конецъ мимошедшаго дне сего, обращеніе и спасеніе души моей строя. Милостивъ ми буди грѣшному и обнаженному всякаго дѣла блага, возстави падшую мою душу, осквернившуюся въ безмѣрныхъ согрѣшеніяхъ: и отыми отъ мене весь помысль лукавый видимаго сего житія. Прости моя согрѣшенія, едине безгрѣшне, яже Ти согрѣшихъ въ сей день, вѣдѣніемъ и невѣдѣніемъ, словомъ, и дѣломъ, и помышленіемъ и всѣми моими чувствами. Ты самъ, покрывая, сохрани мя отъ всякаго сопротивнаго обстояніа Божественною Твоею властію и неизреченнымъ челоуѣколюбіемъ и силою. Очисти, Боже, очисти множество грѣховъ моихъ. Благоволи, Господи, избавити мя отъ сѣти лукаваго, и спаси страстную мою душу, и осѣни мя свѣтомъ лица Твое-

го, егда приидеши во славу, и неосужденна нынѣ сномъ уснути сотвори, и безъ мечтанія, и несмущенъ помысль раба Твоего соблюди, и всю сатанину дѣтель отжени отъ мене, и просвѣти ми разумныя очи сердечныя, да не усну въ смерть. И послѣ ми Ангела мирна, хранителя и наставника души и тѣлу моему, да избавить мя отъ врагъ моихъ да воставъ со одра моего, принесу Ти благодарственныя мольбы. Ей, Господи, услыши мя грѣшнаго и убогаго раба Твоего, изволеніемъ и совѣстію: даруй ми воставшу словесемъ Твоимъ поучитися, и уныніе бѣсовское далече отъ мене отгнано быти сотвори Твоими ангелы: да благословлю имя Твое святое, и прославлю, и славлю пречистую Богородицу Марію, Юже даль еси намъ грѣшнымъ заступленіе, и, приими Сію, молящуюся за ны. Въмъ бо, яко подражаетъ Твое челоуѣколюбіе, и молящися не престаеть, Тоя заступленіемъ и честнаго Креста знаменіемъ, и всѣхъ святыхъ Твоихъ ради, убогую душу мою соблюди, Иисусе Христе, Боже нацѣ, яко святъ еси, и препрославленъ во вѣки. Аминь.

Молитва 5-я:

Господи Боже нашъ, еже согрѣшихъ во дни семь словомъ, дѣломъ и помышленіемъ, яко благъ и Челоуѣколюбецъ прости ми. Миренъ сонъ и безмятеженъ даруй ми: Ангела Твоего хранителя послѣ, покрывающа и соблюдающа мя отъ всякаго зла; яко Ты еси хранитель душамъ и тѣлесемъ нашимъ, и Тебѣ славу возсылаемъ, Отцу, и Сыну, и Святому Духу, нынѣ и присно, и во вѣки вѣковъ. Аминь.

Молитва 6я:

Господи Боже нашъ, въ Негоже вѣровахомъ, и Егоже имя паче всякаго имене призываемъ, даждь намъ, ко сну отходящимъ, ослабу души и тѣлу, и соблюди насъ отъ всякаго мечтанія, и темныя сласти кромѣ: устави стремленіе страстей, угаси разжженія востанія тѣлеснаго: даждь намъ цѣломудреннѣ пожити дѣлы и словесы: да, добродѣтельное жителство воспріемлюще, обѣтованныхъ не отпадемъ благихъ Твоихъ, яко благословенъ еси во вѣки. Аминь.

*Молитва 7-я, святого Иоанна Златоуста, по числу часовъ дня и
нощи:*

Господи, не лиши мене небесныхъ Твоихъ благъ. Господи, избави мя вѣчныхъ мукъ. Господи, умом ли или помышленіемъ, словомъ или дѣломъ согрѣшихъ, прости мя. Господи, избави мя всякаго невѣдѣнія и забвѣнія, и малодушія и окамененнаго нечувствія. Господи, избави мя отъ всякаго искушенія. Господи, просвѣти мое сердце, еже помрачи лукавое похотѣніе. Господи, азъ яко человѣкъ согрѣшихъ, Ты же, яко Богъ щедръ, помилуй мя, видя немощь души моя. Господи, послѣди благодать Твою въ помощь мнѣ, да прославлю имя Твое святое. Господи Іисусе Христе, напиши мя раба Твоего въ книзѣ животнѣй и даруй ми конецъ благодатный. Господи Боже мой, аще и ничтоже благо сотворишь предъ Тобою, но даждь ми по благодати Твоей положити начало благое. Господи, окропи въ сердца моемъ росу благодати Твоея. Господи небесе и земли, помяни мя грѣшнаго раба Твоего; студнаго и нечистаго, во Царствіи Твоемъ. Аминь.

Господи, въ покаяніи пріими мя. Господи, не остави мене. Господи, не введи мене въ напасть. Господи, даждь ми мысль блagu. Господи, даждь ми слезы и память смертную и умиленіе. Господи, даждь ми помысль исповѣданія грѣховъ моихъ. Господи, даждь ми смиреніе, цѣломудріе и послушаніе. Господи, даждь ми терпѣніе, великодушіе и кротость. Господи, всели въ мя корень благихъ, страхъ Твой въ сердце мое. Господи, сподоби мя любити Тя отъ всея души моя и помышленія и творити во всемъ волю Твою. Господи, покрый мя отъ человѣкъ некоторыхъ, и бѣсовъ, и страстей, и отъ всякія иныя неподобныя вещи. Господи, всѣси, яко твориши, якоже Ты волиши, да будетъ воля Твоя во мнѣ грѣшнѣмъ, яко благословенъ еси во вѣки. Аминь.

Молитва 8-я, ко Господу нашему Іисусу Христу:

Господи Іисусе Христе, Сыне Божій, ради честнѣйшія Матере Твоея, и безплотныхъ Твоихъ ангель, пророка же и Предтечи и Крестителя Твоего, Богоглаголивыхъ же Апостолъ, свѣтлыхъ и добропобѣдныхъ мученикъ, преподобныхъ и Богоносныхъ отецъ, и всѣхъ святыхъ молитвами, избави мя настоящаго обстоянія бѣсовскаго. Ей, Господи мой и Творче, не хотяй смерти

грѣшнаго, но якоже обратитися и живу быти ему, даждь и мнѣ обращеніе окаянному и недостойному, изми мя отъ усть пагубнаго змія, зіяющаго пожрети мя и свести во адъ жива. Ей, Господи мой, утѣшеніе мое, Иже мене ради окаяннаго, въ тлѣнную плоть оболкїйся, исторгни мя отъ окаянства, и утѣшеніе подаждь души моей окаяннѣй. Всади въ сердце мое творити Твоя повелѣнія, и оставити лукавая дѣянїя, и получитьи блаженства Твоя: на Тя бо, Господи, уповахъ, спаси мя.

Молитва 9-я, ко Пресвятѣй Богородицѣ:

Благаго Царя благая Мати, Пречистая и Благословенная Богородице Маріе, милость Сына Твоего и Бога нашего излей на страстную мою душу и Твоими молитвами настави мя на дѣянїя благая, да прочее время живота моего безъ порока преїду и Тобою рай да обрящу, Богородице Дѣво, едина чистая и благословенная.

Молитва 10-я, ко святому Ангелу Хранителю:

Ангеле Христовъ, хранителю мой святѣй и покровителю души и тѣла моего, вся ми прости, елика согрѣшихъ во днешнїй день: и отъ всякаго лукавствїя противнаго ми врага избави мя, да ни въ коемже грѣсѣ прогнѣваю Бога моего: но моли за мя грѣшнаго и недостойнаго раба, яко да достойна мя покажеша благости и милости Всесвятѣя Троицы и Матере Господа моего Іисуса Христа и всѣхъ святыхъ. Аминь.

Кондакъ Богородицѣ:

Взбранной Воеводѣ побѣдительная, яко избавльшеся отъ злыхъ, благодарственная восписуемъ Ти раби Твои, Богородице: но яко имущая державу непобѣдимую, отъ всякихъ насъ бѣдь свободи, да зовемъ Ти: радуйся, Невѣсто Невѣстная.

Преславная Приснодѣво, Мати Христа Бога, принеси нашу молитву Сыну Твоему и Богу нашему, да спасеть Тобою души наша.

Все упованіе мое на Тя возлагаю, Мати Божїя, сохрани мя подъ кровомъ Твоимъ.

Богородице Дѣво, не презри мене грѣшнаго. требущаго Твоея помощи и Твоего заступленїя: на Тя бо упова душа моя, и помилуй мя.

Упованіе мое Отец, прибѣжище мое Сынъ, покровъ мой Духъ

Святѣй, Троице Святая, слава Тебѣ.

Достойно есть, яко воистину, блажити Тя Богородицу, присноблаженную и пренепорочную и Матерь Бога нашего. Честнѣйшую херувимъ и славнѣйшую безъ сравненія серафимъ, безъ истлѣнія Бога Слава рождшую, сущую Богородицу Тя величаемъ.

Слава Отцу, и Сыну, и Святому Духу, и нынѣ и присно, и во вѣки вѣковъ. Аминь.

Господи, помилуй (*трижды*).

Господи, благослови.

И отпустъ:

Господи Иисусе Христе, Сыне Божій, молитвъ ради Пречистыя Твоя Матере, преподобныхъ и Богоносныхъ отецъ нашихъ и всехъ святыхъ, помилуй насъ. Аминь.

Молитва святаго Іоанна Дамаскина, юже, указуя на одръ твоей, глаголи:

Владыко Человѣколюбче, не ужели мнѣ одръ сей гробъ будетъ; или еще окаянную мою душу просвѣтиши днемъ? се ми гробъ предлежитъ, се ми смерть предстоитъ. Суда Твоего, Господи, боюся, и муки безконечныя, злое же творя не престаю: Тебе Господа Бога Моего всегда прогнѣвляю, и Пречистую Твою Матерь, и вся небесныя Силы, и святаго Ангела хранителя моего. Вѣмъ убо, Господи, яко недостойнъ есмь человѣколюбія Твоего, но достоинъ есмь всякаго осужденія и муки. Но, Господи, или хочу, или не хочу, спаси мя. Аще бо праведника спасеши, ничтоже веліе: и аще чистаго помилуеши, ничтоже дивно: достойни бо суть милости Твоя. Но на мнѣ грѣшнѣмъ удиви милость Твою: о семъ яви человѣколюбіе Твое, да не одолѣетъ моя злоба Твоей неизглаголаннѣй благодати и милосердію: и якоже хочещи, устрой о мнѣ вещь.

И тако хотяй возлеци на одръ, глаголи сіе:

Просвѣти очи мои, Христе Боже, да не когда усну въ смерть, да не когда речеть врагъ мой: укрѣпихся на него.

Заступникъ души моя буди, Боже, яко посередѣ хожду сѣтей многихъ; избави мя отъ нихъ, и спаси мя, Блаже, яко Человѣколюбецъ.

Преславную Божию Матерь, и святыхъ ангель святѣйшую не-

молчно воспоимъ, сердцемъ и усты Богородицу сію исповѣдающе, яко воистинну рождшую намъ Бога воплощенна, и молящуюся непрестанно о душахъ нашихъ.

Таже цѣлуй крестъ твой, и знаменай крестомъ мѣсто твое отъ главы до ногъ, такожде и отъ всѣхъ странъ, глаголя молитву Честному Кресту:

Да воскреснетъ Богъ, и расточатся врази Его, и да бѣжатъ отъ лица Его ненавидящій Его: яко исчезаетъ дымъ, да исчезнутъ, яко таетъ воскъ отъ лица огня, тако да погибнутъ бѣсы отъ лица любящихъ Бога, и знаменующихся крестнымъ знаменіемъ, и въ веселіи глаголющихъ: радуйся, пречестный и животворящій Кресте Господень, прогоняяй бѣсы силою на тебѣ пропятаго Господа нашего Иисуса Христа, во адъ шедшаго, и поправшаго силу діаволу, и даровавшаго намъ тебѣ Крестъ Свой честный, на прогнаніе всякаго супостата. О пречестный и животворящій Кресте Господень, помогай ми со Святою Госпожею Дѣвою Богородицею, и со вѣми святыми во вѣки, аминь.

Или:

Огради мя, Господи, силою честнаго и животворящаго Твоего Креста и сохрани мя отъ всякаго зла.

Таже, вмѣсто прощенія:

Ослаби, остави, прости, Боже, прегрѣшенія наша вольная, и невольная, яже въ слове и въ дѣлѣ, яже въ вѣдѣніи и не въ вѣдѣніи, яже во дни и въ нощи, яже въ умѣ и въ помышленіи: вся намъ прости яко Благъ и Человѣколюбець.

Молтва:

Ненавидящихъ и обидящихъ насъ прости, Господи Человѣколюбче. Благодворящимъ благосотвори. Братіямъ и сродникомъ нашимъ даруй яже ко спасенію прошенія и жизнь вѣчную: въ немощехъ сущія посѣти, и исцѣленіе даруй. Иже на мори управи. Путешествующимъ спутешествуй. Православнымъ христіаномъ споборствуй. Служащимъ и милующимъ насъ грѣховъ оставленіе даруй. Заповѣдавшихъ намъ недостойнымъ молиться о нихъ помилуй по величѣй Твоей милости. Помяни, Господи, прежде усопшихъ отецъ и братій нашихъ, и упокой ихъ идѣже присѣщаетъ свѣтъ лица Твоего. Помяни, Господи, братій

нашихъ плѣнныхъ, и избави я отъ всякаго обстоянія. Помяни, Господи, плодоносящихъ и добродѣлающихъ во святыхъ Твоихъ церквахъ, и даждь имъ яже ко спасенію прошенія и жизнь вѣчную. Помяни, Господи, и насъ смиренныхъ и грѣшныхъ и недостойныхъ рабъ Твоихъ, и просвѣти нашъ умъ свѣтомъ разума Твоего, и настави насъ на стезю заповѣдей Твоихъ: молитвами Пречистыя Владычицы нашея Богородицы и Приснодѣвы Маріи, и всѣхъ Твоихъ святыхъ, яко благословенъ еси во вѣки вѣковъ, аминь.

Исповѣданіе грѣховъ повседневное:

Исповѣдаю Тебѣ Господу Богу моему и Творцу, во Святей Троицѣ единому, славимому и поклоняемому Отцу, и Сыну, и Святому Духу, вся моя грѣхи, яже содѣяхъ во вся дни живота моего, и на всякій часъ, и въ настоящее время, и въ прешедшія дни и нощи, дѣломъ, словомъ, помышленіемъ, объяденіемъ, пѣнствомъ, тайнояденіемъ, празднословіемъ, уныніемъ, лѣнностію, прекословіемъ, непослушаніемъ, оклеветаніемъ, осужденіемъ, небреженіемъ, самолюбіемъ, многостязаніемъ, хищеніемъ, неправдоглаголаніемъ, скверноприбытчествомъ, мшелоимствомъ, ревнованіемъ, завистію, гнѣвомъ, памятозлобіемъ, ненавистію, лихоимствомъ и всѣми моими чувствами: зрѣніемъ, слухомъ, обоняніемъ, вкусомъ, осязаніемъ и прочими моими грѣхи душевными вкупѣ и тѣлесными, имиже Тебе Бога моего и Творца прогнѣвахъ, и ближняго моего онеправдовахъ: о сихъ жалѣя, винна себе Тебѣ Богу моему представляю и имѣю волю каятися: точію Господи Боже мой, помози ми, со слезами смиренно молю Тя: прешедшая же согрѣшенія моя милосердіемъ Твоимъ прости ми, и разрѣши отъ всѣхъ сихъ, яже изглаголахъ предъ Тобою, яко Благъ и Человѣколюбецъ.

Егда предаешися сну, глаголи:

Въ руцѣ Твои, Господи Иисусе Христе, Боже мой, предаю духъ мой. Ты же мя благослови, Ты мя помилуй и вотъ вѣчный даруй ми. Аминь.

Канонъ покаяный ко Господу нашему Иисусу Христу.

Молитвами святыхъ отецъ нашихъ, Господи Иисусе Христе Боже нашъ, помилуй насъ, аминь.

Слава Тебѣ, Боже нашъ, слава Тебѣ.

Царю небесный, Трисвятое, и по Отче нашъ: Господи, помилуй (12), Слава, и нынѣ: Приидите, поклонимся: (3-жды), псаломъ 50-й, Помилуй мя, Боже: Вѣрую.

Гласъ 6-й. Пѣснь 1.

Ирмось: Помощникъ и покровитель бысть мнѣ во спасеніе, сей мой Богъ и прославлю Его, Богъ отца моего, и вознесу Его: славно бо прославися.

Помилуй мя, Боже, помилуй мя.

Избавителю мой Иисусе, якоже избавилъ еси многихъ прегрѣшеній блудницу, иногда покаявшуюся добрѣ; молюся Ти, и мене избави безчисленныхъ золь моихъ яко милостивъ.

Помилуй мя, Боже, помилуй мя.

Плавая въ суетнѣмъ помышленіи житія, Иисусе, лютую сію пучину, во истопленія впадохъ многая, отъ нихже избавивъ спаси мя.

Пресвятая Богородице, спаси насъ.

Явилася еси врата Живота, смерти врата затворши рождествомъ Твоимъ, Чистая: явилася еси земля избранная, Еюже вознесеса отъ земли на небеса челоуѣческое смѣшеніе.

Пѣснь 3.

Ирмось: Утверди, Господи, на камени заповѣдей Твоихъ, подвигшееся сердце мое, яко единъ святъ еси и Господь.

Милостивнымъ Твоимъ окомъ призри на мя, егда хочу предъ Тобою предстати, и судитися едине Благопремѣнителю Господи.

Воздыхающа мя приими, якоже мытаря изъ глубины душевныя, и покаяніе ми даруй, Спасе, грѣха всякаго мя избавляющее.

Богородиченъ: Зачала еси, Пресвятая, Содержащаго весь міръ: сего ради молюся Ти, избави мя всякаго содержащаго мученія.

Пѣснь 4.

Ирмось: Услыша пророкъ пришествіе Твое, Господи, и убояся,

яко хочещи отъ Дѣвы родитися, и человѣкомъ явитися, и глаголаше: услышахъ слухъ Твой, и убояхся: слава силъ Твоей, Господи.

Токи слезъ даждь ми иссушающыя страстей моихъ источники, и грѣха всякаго тимѣнія отмывающыя, Щедре, Многомилостиве, и угашающыя огня геенскаго вѣчнующій пламень неугасимый.

Непрестанно чешу струпы души мояя сластолюбіемъ, и пребываю неисцѣленъ, въ чувство самъ пріити не хотя, кто буду? и что сотворю? Христе щедрый, исцѣли въ спаси мя.

Богородичень: Седмосвѣтлый Тя свѣщникъ, огонь богоразумія носящъ, Отроковице, пророкъ древле провидѣ, свѣтящъ во тмѣ невѣдѣнія бѣдствующимъ; тѣмже вопію Ти, Всенепорочная: просвѣти мя, молюся.

Пѣснь 5.

Ирмосъ: Отъ нощи утренююща, Человѣколюбче, просвѣти молюся, и настави и мене на повелѣнія Твоя, и научи мя, Спасе, творити волю Твою.

Се иже талантъ Твой сокрывый, Христе, лѣнивый рабъ Твой, и упразднивыйся лукавыми страстей дѣяніи, азъ есмь: тѣмже не посли мене во огонь.

Твой сынъ бывъ благодатію, благоутробне Христе, поработихся врагу, и отъ Тебе удалихся живъ блудно; тѣмже обративъ мя спаси.

Богородичень: Врата непроходимая, отверзи ми врата, молюся, покаянія истиннаго: и покажи ми стезю покаянія, Чистая, всѣхъ Наставнице.

Пѣснь 6.

Ирмосъ: Возопихъ всѣмъ сердцемъ моимъ къ щедрому Богу, и услыша мя отъ ада преисподняго, и возведе отъ тли животъ мой.

Не покажи мене бѣсомъ обрадование въ день страшный, Христе Иисусе: да не услышу тогда гласа отсылающаго во огонь геенскій.

Погрузи мя во глубинѣ прегрѣшеній, иже праведныхъ врагъ: и къ щедротъ Твоихъ притекаю пучинѣ, Иисусе, къ пристанищу жизни нынѣ направи мя.

Богородичень: Храмъ Богу явилася еси, Всенепорочная, въ онъже вселився священнѣ, человѣческое существо обожил, сотворилъ

есть вѣрныхъ храмы Себѣ.

Пѣснь 7.

Ирмось: Согрѣшихомъ, незаконновахомъ, неправдовахомъ предъ Тобою, ниже соблюдохомъ, ниже сотворихомъ, якоже заповѣдалъ еси намъ: но не предаждь насъ до конца, отцевъ Боже.

Взираю на милость Твою безмѣрную, безмѣрно согрѣшивый, вѣмъ Твое милосердіе, вѣмъ долготерпѣніе и незлобіе: покаянія ми даруй плоды, щедрый Христе, и спаси мя.

Уврачуй, Щедре, сердца моего неисцѣльныя страсти, даруй отсѣченіе долговъ моихъ, тяжкое бремя облегчи: да во умиленіи Тя славлю присно отцевъ Бога.

Богородичень: Прозябла еси безъ сѣмени, Егоже роди Отець нетлѣнно, пребыла еси пр рождествѣ Дѣва, якоже и прежде рожества; тѣмже ублажаема еси, и прославляема, Пречистая, непрестанно, яко Мати сущи Божія.

Пѣснь 8.

Ирмось: Егоже воинства небесная славятъ, и трепещутъ херувими и серафими, всяко дыханіе и тварь, пойте, благословите, и превозносите во вся вѣки.

Взираю на великую милость щедротъ Твоихъ, Христе, якоже Давидъ, согрѣшивъ паче онаго, и зову со онѣмъ: едине Милостиве, помилуй мя вскорѣ.

Конецъ благъ быти ми молюся, положити же лукавымъ дѣянїемъ когда конецъ не усердствую, ожесточенное имѣя сердце: ушедри мя, Божій Слове.

Богородичень: Нова намъ Младенца родила еси Ветхаго деньми, новыя на земли стези показующаго, и обетшавшее естество обновляюща, Безневѣстная Благословенная.

Пѣснь 9.

Ирмось: Безсѣменнаго зачатія рождество несказанное, Матере безмужныя нетлѣнень Плодь: Божіе бо рожденіе обновляетъ естества; тѣмже Тя вси роди, яко Богоневѣстную Матерь, православно величаемъ.

Исусе Человѣколюбче, едине немощь нашу вѣдый: въ сію бо облелся еси милосердія ради, хотя сію очистити: тѣмже скверны лукавыя, и гаоенія золь моихъ очисти, и спаси мя.

Яко блудница слезы приношу Ти, Человѣколюбче: яко мытарь стена взываю Ти: очисти, и спаси мя, якоже хананеа вопію: помилуй мя, якоже Петра покаявшася, прощенія сподоби.

Богородичень: Гласъ Ти приносимъ архангеловъ Всечистая, Благословенная: радуйся, вмѣстившая Бога невмѣстимаго: радуйся, клятвы разрѣшеніе, и благословенія введеніе: радуйся, едина райскую дверь отверзшая.

Посемъ, Достойно есть: Трисвятое, и по Отче нашъ: тропари: Помилуй насъ, Господи, помилуй насъ: и отпустъ.

Канонъ молебный ко Пресвятѣй Богородицѣ,

поемый во всякой скорби душевнѣй и обстояніи.

Молитвами святыхъ отецъ нашихъ, Господи Иисусе Христе Боже нашъ, помилуй насъ, аминь.

Слава Тебѣ, Боже нашъ, слава Тебѣ.

Царю небесный, Трисвятое, и по Отче нашъ: Господи, помилуй (12), Слава, и нынѣ: Приидите, поклонимся: (3-жды), псаломъ 50-й, Помилуй мя, Боже: Вѣрую.

Тропарь, гласъ 4-й.

Къ Богородицѣ прлѣжно нынѣ притецемъ, грѣшніи и смиренніи, и припадемъ въ покаяніи зовуще изъ глубины души: Владычице, помози на ны милосердовавши, потщися, погабаемъ отъ множества прегрѣшеній: не отврати Твоя рабы тщи, Тя бо и едину надежду имамы. *(Дважды).*

Слава, и нынѣ:

Не умолчимъ никогда, Богородице, силы Твоя глаголати недостойніи: аще бо Ты не бы предстояла молящи, кто бы насъ избавилъ отъ толикихъ бѣдъ? кто же бы сохранилъ доннынѣ свободны? Не отступимъ, Владычице, отъ Тебе: Твоя бо рабы спасаеши присно отъ всякихъ лютыхъ.

Канонъ, гласъ 8-й.

Пѣснь 1.

Ирмосъ: Воду прошедь яко сушу, и египетскаго зла избѣжавъ, израильтянинъ вопіяше: Избавителю и Богу нашему поимъ.

Пресвятая Богородице, спаси насъ.

Многими содержимъ напастьми, къ Тебѣ прибѣгаю, спасенія искій: о Мати Слова и Дѣво! отъ тяжкихъ и лютыхъ мя спаси.

Страстей мя смущаютъ прилози, многого уныніа исполнити мою душу: умири, Отроковице, тишиною Сына и Бога Твоего, Всенепорочная.

Слава Отцу, и Сыну, и Святому Духу.

Спаса рождшую Тя и Бога молю, Дѣво, избавитися ми лютыхъ: къ Тебѣ бо нынѣ прибѣгая, простираю и душу и помышленіе.

И нынѣ и присно и во вѣки вѣковъ, аминь.

Недугующа тѣломъ и душою, посѣщенія Божественнаго, и промышленія отъ Тебе сподоби, едина Богомати, яко благая, Благогаго же Родительница.

Пѣснь 3.

Ирмось: Небеснаго круга Верхотворче Господи, и Церкви Зиждителю, Ты мене утверди въ любви Твоей, желаній краю, вѣрныхъ утверждение, едина Человѣколюбче.

Предстательство и покровъ жизни моя полагаю Тя, Богородительнице Дѣво, Ты мя окорми ко пристанищу Твоему, благихъ виновна, вѣрныхъ утверждение, едина Всепѣтая.

Молю, Дѣво, душевное смущение, и печали моя бурю разорити: Ты бо, Богоневѣстная, начальника тишины Христа родила еси, едина Пречистая.

Слава:

Благодѣтеля рождши, добрыхъ виновнаго, благодѣяній богатство всѣмъ источи: вся бо можеша, яко сильнаго въ крѣпости Христа рождши, Богоблаженная.

И нынѣ:

Лютыми недуги и болѣзненными страстьми истязаему, Дѣво, Ты ми помози: исцѣлений бо неоскудною Тя знаю сокровище, Пренепорочная, неизживаемее.

Сѣдаленъ, гласъ 2-й.

Моление теплое, и стѣна неборимая, милости источниче, мірови прибѣжище, прилѣжно вопіемъ Ти; Богородице Владычице, предвари, и отъ бѣды избави насъ, едина вскорѣ предстательствующая.

Пѣснь 4.

Ирмось: Услышахъ, Господи, смотренія Твоего таинство, разумѣхъ дѣла Твоя, прославихъ Твое Божество.

Страстей моихъ смущение, кормчию рождающая Господа, и бурю утиши моихъ прегрѣшеній, Богоневѣстная.

Милосердія Твоего бездну призывающе подаждь ми, яже благосердаго рождающая, и Спаса всѣхъ поющихъ Тя.

Наслаждающася, Пречистая, Твоихъ дарованій, благодарственное воспѣваемъ пѣніе, вѣдуще Тя Богоматерь.

Слава:

На одрѣ болѣзни моя и немощи низлежащу ми, яко боголюбива, помози Богородице, едина Приснодѣво.

И нынѣ:

Надежду и утверждєніе, и спасєнія стѣну недвижиму имущє Тя, Всєпѣтая, неудобства всякаго избавляємся.

Пѣснь 5.

Ирмось: Просвѣти насъ повелѣніи Твоими, Господи, и мышцею Твоею высокою, Твой миръ подаждь намъ, Человѣколюбче.

Исполни, Чистая, веселія сердце мое, Твою нетлѣнную даючи радость, веселія рождшая виновнаго.

Избави насъ отъ бѣдъ, Богородице Чистая, вѣчное рождши избавленіе, и миръ всякъ умъ преимущій.

Слава:

Разрѣши мглу прегрѣшеній моихъ, Богоневѣсто, просвѣщеніємъ Твоя свѣтлости, Свѣтъ рождшая Божественный и превѣчный.

И нынѣ:

Исцѣли, Чистая, души моя неможеніе, посѣщенія Твоего сподобльшая, и здравіе молитвами Твоими подаждь ми.

Пѣснь 6.

Ирмось: Молитву пролію ко Господу и Тому возвѣщу печали моя, яко золь душа моя исполнися, и животъ мой аду приближися, и молюся яко Іона: отъ тли, Боже, возведи мя.

Смерти и тли яко спаслъ естъ, Самъ Ся издавъ смерти, тлѣніємъ и смертію мое естество ято бывшее, Дѣво, моли Господа и Сына Твоего, враговъ злодѣйствія мя избавити.

Предстательницу Тя живота вѣмъ, и хранительницу тверду, Дѣво, и напастей рѣшащу молвы, и налоги бѣсовъ отгоняюще: и молюся всегда отъ тли страстей моихъ избавити мя.

Слава:

Яко стѣну прибѣжища стяжахомъ, и душъ всесовершенное спасєніе, и пространство въ скорбехъ, Отроковице, и просвѣщеніємъ Твоимъ присно радуємся, о Владычице! и нынѣ насъ отъ страстей и бѣдъ спаси.

И нынѣ:

На одрѣ нынѣ немоществуяй лежу, и нѣсть исцѣленія плоти моей, но Бога и Спаса міру, и Избавителя недуговъ рождшая, Тебѣ мо-

люся Благой: отъ тли недугъ возстави мя.

Кондакъ, Гласъ 6-й.

Предстательство христіанъ непостыдное, ходатайство ко Творцу непреложное, не презри грѣшныхъ моленій гласы, но предвари яко Благая на помощь насъ, вѣрно зовущихъ Ти: ускори на молитву, и потшися на, умоленіе, предстательствующи присно, Богородице, чтущихъ Тя.

Стихира, гласъ той же.

Не ввѣри мя челоуѣческому предстательству, Пресвятая Владычице, но приими моленіе раба Твоего: скорбь бо обдержитъ мя, терпѣти не могу демонскаго стрѣліянія, покрова не имамъ, ниже гдѣ прибѣгну окаянный, всегда побѣждаемъ, и утѣшенія не имамъ, развѣ Тебе, Владычице міра, упованіе и предстательство вѣрныхъ, не презри моленіе мое, полезно сотвори.

Пѣснь 7.

Ирмось: От Іудеи дошедше отроцы, въ Вавилонѣ иногда вѣроу Троическою пламень пещный попраша, поюще: отцевъ Боже, благословенъ еси.

Наше спасеніе якоже восхотѣлъ еси, Спасе, устроити, во утробу Дѣвыя вселился еси, Юже міру предстательницу показаль еси: отецъ нашихъ Боже, благословенъ еси.

Волителя милости, Егоже родила еси, Мати чистая, умоли избавитися отъ прегрѣшеній, и душевныхъ скверн, вѣроу зовущимъ: отецъ нашихъ Боже, благословенъ еси.

Слава:

Сокровище спасенія, и источникъ нетлѣнія, Тя рождшую, и столпъ утвержденія, и дверь покаянія, зовущимъ показаль еси: отецъ нашихъ Боже, благословенъ еси.

И нынѣ:

Тѣлесныя слабости, и душевныя недуги, Богородительнице, любовію приступающихъ ко крову Твоему, Дѣво, исцѣлители сподоби, Спаса Христа намъ рождшая.

Пѣснь 8.

Ирмось: Царя Небеснаго, Егоже поють вои Ангельстїи, хвалите и превозносите во вся вѣки.

Помощи, яже отъ Тебе, требующыя не презри, Дѣво, поющыя и

превозносящя Тя во вѣки.

Неможеніе души моя исцѣляеши, и тѣлесныя болѣзни, Дѣво: да Тя прославлю, Чистая, во вѣки.

Слава:

Исцѣленій богатство изливаеши, вѣрно поющымъ Тя, Дѣво, и превозносящымъ неизреченное Твое рождество.

И нынѣ:

Напастей Ты прилоги отгоняеши, и страстей находы, Дѣво: тѣмже Тя поемъ во вся вѣки.

Пѣснь 9.

***Ирмось:* Воистинну Богородицу Тя исповѣдуемъ, спасенніи Тобою, Дѣво Чистая, съ безплотными лики Тя величающе.**

Тока слезъ моихъ не отвратися, Яже отъ всякаго лица всяку слезу отъемшаго, Дѣво, Христа рождшая.

Радости мое сердце исполни, Дѣво, Яже радости приѣмшая исполненіе, грѣховную печаль потребляющи.

Пристанище и предстательство къ Тебѣ прибѣгающихъ буди, Дѣво, и стѣна нерушимая, прибѣжище же и покровъ и веселіе.

Слава:

Свѣта Твоего зарями просвѣти, Дѣво, мракъ невѣденія отгоняющи, благовѣрно Богородицу Тя исповѣдующихъ.

И нынѣ:

На мѣстѣ озлобленія немощи смирившася, Дѣво, исцели, изъ нездравія во здравіе претворяющи.

Посемъ, Достойно естъ: Трисвятое, и по Отче нашъ: тропари: Помилуй насъ, Господи, помилуй насъ: и отпустъ.

Молитва ко Пресвѣтѣй Богородицѣ.

Царице моя преблагая, надеждо моя Богородице, пріятелище сирыхъ, и странныхъ предстательнице, скорбящихъ радости, обидимыхъ покровительнице, зриши мою бѣду, зриши мою скорбь: помози ми яко немощну, окорми мя яко странна: обиду мою вѣси, разрѣши ту, яко волиши: яко не имамъ иныя помощи развѣ Тебе, ни иныя предстательницы, ни благія утѣшительницы, токмо Тебе, о Богомати, яко да сохраниши мя и покрыеши, во вѣки вѣковъ, аминь.

Канонъ Ангелу Хранителю.

Молитвами святыхъ отецъ нашихъ, Господи Иисусе Христе Боже нашъ, помилуй насъ, аминь.

Слава Тебѣ, Боже нашъ, слава Тебѣ.

Царю небесный, Трисвятое, и по Отче нашъ: Господи, помилуй (12), Слава, и нынѣ: Приидите, поклонимся: (3-жды), псаломъ 50-й, Помилуй мя, Боже: Вѣрую.

Тропарь, гласъ 6-й.

Ангеле Божій, хранителю мой святыи, животь мой соблюди во страсъ Христа Бога: умъ мой утверди во истиннѣмъ пути, и къ любви горнѣи уязви душу мою, да тобою направляемъ, получу отъ Христа Бога велию милость.

Богородичень:

Святая Владычице, Христа Бога нашего Мати, яко всѣхъ Творца недоумѣнно рождающая: моли благость Его всегда, со хранителемъ моимъ Ангеломъ, спасти душу мою, страстьми одержимую, и оставленіе грѣховъ даровати ми.

Канонъ, гласъ 8-й, Пѣснь 1.

Ирмосъ: Поимъ Господеви, проведенному люди Своя сквозѣ Черное море яко единъ славно прославися.

Господи Иисусе Христе Боже мой, помилуй мя.

Иисусу: Пѣснь воспѣти, и восхвалити Спасе, Твоего раба достойно сподоби, безплотному Ангелу, наставнику и хранителю моему.

Святыи Ангеле Божій, хранителю мой, моли Бога о мнѣ грѣшнѣмъ.

Единъ азъ въ неразуміи и въ лѣности нынѣ лежу, Наставниче мой и хранителю, не остави мене погибающа.

Слава:

Умъ мой твоею молитвою направи, творити ми Божія повелѣнія, да получу отъ Бога отданіе грѣховъ, и ненавидѣти ми злыхъ настави мя, молюся ти.

И нынѣ:

Молися, Дѣвице, о мнѣ, рабѣ Твоемъ, ко Благодателю, со хранителемъ моимъ Ангеломъ, и настави мя творити заповѣди Сына Твоего и Творца моего.

Пѣснь 3.

Ирмось: Ты еси утверждениѣ притекающихъ къ Тебѣ, Господи, Ты еси свѣтъ омраченныхъ, и поеть Тя духъ мой.

Все помышленіе мое, и душу мою къ тебѣ возложихъ, хранителю мой: ты отъ всякія мя напасти вражія избави.

Врагъ попираетъ мя и озлобляетъ, и поучаетъ всегда творити своя хотѣнія: но ты, наставниче мой, не остави мене погибающа.

Слава:

Пѣти пѣснь со благодареніемъ и усердіемъ Творцу и Богу даждь ми, и тебѣ благому Ангелу хранителю мо-ему: избавитель мой, изми мя отъ врагъ озлобляющихъ мя.

И нынѣ:

Исцѣли, Пречистая, моя многонедужныя струпы, яже въ души, прожени враги, иже присно борются со мною.

Сѣдаленъ, гласъ 2-й.

Отъ любве душевныя вопію ти, хранителю моя души, всесвятый мой Ангеле, покрый мя и соблюди отъ лукаваго ловленія всегда, и къ жизни настави не-беснѣй, вразумляя и просвѣщая и укрепляя мя.

Слава, и нынѣ:

Богородиченъ: Богородице безневѣстная, Пречистая, Яже безъ сѣмене рождши всѣхъ Владыку, Того со Ангеломъ хранителемъ моимъ моли: избавитимися всякаго недоумѣнія, и дати умилениѣ и свѣтъ души моей, и согрѣшеніемъ очищеніе, Яже едина вскорѣ заступающи.

Пѣснь 4.

Ирмось: Услышахъ, Господи, смотренія Твоего таинство, разумѣхъ дѣла Твоя, и прославихъ Твое Божество.

Моли Человѣколюбца Бога ты, хранителю мой, и не остави мене: но присно въ мирѣ житіе мое соблюди, и подаждь ми спасеніе не-оборимое.

Яко заступника и хранителя животу моему, приѣмъ тя отъ Бога, Ангеле, молю тя, святый, отъ всякихъ мя бѣдъ свободи.

Слава:

Мою скверность твоєю святынею очисти, хранителю мой, и отъ части шуія да отлученъ буду молитвами Твоими, и причастникъ

славы явлюся.

И нынѣ:

Недоумѣніе предлежитъ ми отъ обышедшихъ мя золь, Пречистая, но избави мя отъ нихъ скоро: къ Тебѣ бо единѣй прибѣгохъ.

Пѣснь 5.

Ирмось: Утреннююще вопіемъ Ти: Господи, спаси ны: Ты бо еси Богъ наигъ, развѣ Тебе иного не вѣмы.

Яко имѣя дерзновеніе къ Богу, хранителю мой святой, Сего умоли, отъ оскорбляющихъ мя золь избавити.

Свѣте свѣтлый, свѣтло просвѣти душу мою, наставниче мой и хранителю, отъ Бога данный ми Ангеле.

Слава:

Спяща мя злѣ тяготою грѣховною, яко бдяща сохрани, Ангеле Божій, и возстави мя на славословіе моленіемъ твоимъ.

И нынѣ:

Маріе, Госпоже Богородице безневѣстная, надеждо вѣрныхъ, вражія возношенія низложи, а поющія Тя возвесели.

Пѣснь 6.

Ирмось: Ризу мнѣ подаждь свѣтлу одѣяйся свѣтомъ яко ризою, многомилостиве Христе Боже нашъ.

Всякихъ мя напастей свободы, и отъ печалей спаси, молюся ти, святой Ангеле, данный ми отъ Бога, хранителю мой добрый.

Освѣти умъ мой, блаже, и просвѣти мя, молюся ти, святой Ангеле, и мыслити ми полезная всегда настави мя.

Слава:

Устави сердце мое отъ настоящаго мятежа, и бдѣти укрѣпи мя во благахъ, хранителю мой, и настави мя чудно къ тишинѣ животнѣй.

И нынѣ:

Слово Божіе въ Тя вселися, Богородице, и челоуѣкомъ Тя показа небесную лѣствицу: Тобою бо къ намъ Вышній, сошелъ есть.

Кондакъ, гласъ 4-й.

Явися мнѣ милосердъ, святой Ангеле Господень, хранителю мой, и не отлучайся отъ мене сквернаго: но просвѣти мя свѣтомъ неприкосновеннымъ, и сотвори мя достойна Царствія Небеснаго.

Икосъ:

Уничуженную душу мою многими соблазны, ты, святыи предста-
телю, неизреченныя славы небесныя сподоби, и пѣвецъ съ лики
безплотныхъ силъ Божіихъ, помилуй мя и сохрани, и помыслы
добрыми душу мою просвѣти, да твоею славою, Ангеле мой, обо-
гащуся, и низложи зломыслящія мнѣ враги, и сотвори мя достой-
на Царствія Небеснаго.

Пѣснь 7.

Ирмосъ: От Іудеи дошедше отроцы, въ Вавилонѣ иногда, вѣроу
Троическою пламень пещный попраша, поюще: отцевъ Боже, бла-
гословенъ еси.

Милостивъ буди ми, и умоли Бога, Господень Ангеле: имѣю бо ты
заступника во всемъ животѣ моемъ, наставника же и хранителя,
отъ Бога дарованнаго ми во вѣки.

Не остави въ путь шествующія души моя окаянныя убити раз-
бойникомъ, святыи Ангеле, яже ти отъ Бога предана бысть
непорочнѣ, но настави ю на путь покаянія.

Слава:

Всю посрамлену душу мою привожду отъ лукавыхъ ми помыслъ
и дѣлъ, предвари, наставниче мой, и исцѣленіе ми подаждь бла-
гихъ помыслъ, уклоняти ми ся всегда на правыя стези.

И нынѣ:

Премудрости исполни всѣхъ и крѣпости Божественныя,
Впостасная премудросте Вышняго, Богородицы ради, вѣроу
вопіющихъ: отецъ нашихъ Боже, благословенъ еси.

Пѣснь 8.

Ирмосъ: Царя Небеснаго, Егоже поють вои Ангельстїи, хвалите и
превозносите во вся вѣки.

Отъ Бога посланный, утверди животъ мой, раба твоего, преблагїи
Ангеле, и не остави мене во вѣки.

Ангела суща ты блага, души моя наставника и хранителя, пребла-
женне, воспѣваю во вѣки.

Слава:

Буди ми покровъ и забрало, въ день испытанія всѣхъ человѣкъ, въ
онѣже огнемъ искушаются дѣла благая же и злая.

И нынѣ:

Буди ми помощница и тишина, Богородице Приснодѣво, рабу

Твоему, и не остави мене лишена быти Твоего владычества.

Пѣснь 9.

Ирмось: Воистинну Богородицу Тя исповѣдуемъ, спасеннии Тобою, Дѣво Чистая, съ безплотными лики Тя величающе.

Иисусу: Помилуй мя, едине Спасе мой, яко милостивъ еси и милосердъ, и праведныхъ ликовъ сотвори мя причастника.

Мыслити ми присно и творити, Господень Ангеле, благая и полезная даруй, яко сильна яви въ немощи и непорочна.

Слава:

Яко имѣя дерзновеніе къ Царю Небесному, того моли и съ прочими безплотными, помиловати мя окаяннаго.

И нынѣ:

Многое дерзновеніе имущи, Дѣво, къ Воплощшемуся изъ Тебе, преложи мя отъ узъ, и разрѣшеніе ми подаждь и спасеніе молитвами Твоими.

Посемъ, Достойно есть: Трисвятое, и по Отче нашъ: тропари: Помилуй насъ, Господи, помилуй насъ: и отпустъ.

Акаѡистъ ко Пресвятѣй Богородицѣ.

Молитвами святыхъ отецъ нашихъ, Господи Иисусе Христе Боже нашъ, помилуй насъ, аминь.

Слава Тебѣ, Боже нашъ, слава Тебѣ.

Царю небесный, Трисвятое, и по Отче нашъ: Господи, помилуй (12), Слава, и нынѣ: Приидите, поклонимся: (3-жды), псаломъ 50-й, Помилуй мя, Боже: Вѣрую.

Кондакъ 1.

Взбранной Воеводѣ побѣдительная, яко избавльшеся отъ злыхъ, благодарственная восписуемъ Ти раби Твои, Богородице: но яко имущая державу непобѣдимую, отъ всякихъ насъ бѣдь свободи, да зовемъ Ти: радуйся, Невѣсто Неневѣстная.

Икосъ 1.

Ангель предстатель съ небесе посланъ бысть рещи Богородицѣ: радуйся, и со безплотнымъ гласомъ воплощаема Тя зря, Господи, ужасашеся и стояше, зовый къ Ней таковая: Радуйся, Еюже радость возсіяетъ: радуйся, Еюже клятва исчезнетъ. Радуйся, падшаго Адама воззваніе: радуйся, слезъ Евиныхъ избавленіе. Радуйся, высоту, неудобовосходимая. челоуѣческими помыслы: радуйся, глубино неудобозримая и Ангельскимъ очима, Радуйся, яко еси Царево сѣдалище: радуйся, яко носиши Носящаго вся. Радуйся, звѣздо, являющая, Солнце: радуйся, утробо Божественнаго воплощенія. Радуйся, Еюже обновляется тварь; радуйся, Еюже поклоняемся Творцу. Радуйся, Невѣсто Неневѣстная.

Кондакъ 2.

Видящи Святая Себе въ чистотѣ, глаголетъ Гавриилу дерзостно: преславное твоего гласа, неудобопріятельно души Моей является: безсѣннаго бо зачатія рождество како глаголеши, зовый: Аллилуіа.

Икосъ 2.

Разумъ недоразумѣваемый разумѣти Дѣва ищущи, возопи къ служащему: изъ боку чисту, Сыну како есть родитися мощно, рцы Ми? Къ Нейже онъ рече со страхомъ, обаче зовый сице: Радуйся, совѣта неизреченнаго таиннице: радуйся, молчанія просящихъ

вѣро. Радуйся, чудесь Христовыхъ начало: радуйся, вельнїй Его главизно. Радуйся, лѣствице небесная, еюже сниде Богъ: радуйся, мосте, преводяй сущихъ отъ земли на небо. Радуйся, Ангеловъ многословущее чудо: радуйся, бѣсовъ многоплачевное пораженіе. Радуйся, Свѣтъ неизреченно родившая: радуйся, еже како, ни единого же научившая. Радуйся, премудрыхъ превосходящая разумъ: радуйся, вѣрныхъ озаряющая смыслы. Радуйся, Невѣсто Невѣстная.

Кондакъ 3.

Сила Вышняго осѣни тогда къ зачатію Браконеискусную, и благоплодная Тоя ложесна, яко село показа сладкое, всѣмъ хотящимъ жати спасеніе, внегода пѣти сице: Аллилуїа.

Икосъ 3.

Имущи Богопрїятную Дѣва утробу, востече ко Елисавети: младенецъ же оная абїе познавъ сея цѣлованіе, радовашесе, и игранми яко пѣсньми вопїаше къ Богородицѣ: Радуйся, отрасли неувядаемая розго: радуйся, плода безсмертнаго стяжаніе. Радуйся, дѣлателя дѣлающая Человѣколюбца; радуйся, Садителя жизни нашея рождшая. Радуйся, ниво, растящая многоплodie щедротъ: радуйся, трапезо, носящая обиліе очищенія. Радуйся, яко рай пищный процвѣтаеши: радуйся, яко пристанище душамъ готовиши. Радуйся, прїятное молитвы кадило: радуйся, всего міра очищеніе. Радуйся, Божіе къ смертнымъ благоволеніе: радуйся, смертныхъ къ Богу дерзновеніе. Радуйся, Невѣсто Невѣстная.

Кондакъ 4.

Бурю внутрь имѣя помышленїй сумнительныхъ, цѣломудренный Іосифъ смятесе, къ Тебѣ зря небрачнѣй, и бракоокрадованную помышляя, Непорочная: увѣдѣвъ же Твое зачатіе отъ Духа Свята, рече: Аллилуїа.

Икосъ 4.

Слышаша пастыріе Ангеловъ, поющихъ плотское Христово пришествіе, и текше, яко къ Пастырю, видять Сего, яко агаца непорочна, во чревѣ Марїинѣ упасшася, Юже поюще, рѣша: Радуйся, Агнца и Пастыря Мати: радуйся, дворе слевесныхъ овецъ. Радуйся, невидимыхъ враговъ мученіе: радуйся, райскихъ дверей отверженіе. Радуйся, яко небесная срадуются земнымъ: радуйся,

яко земная сликовствуютъ небеснымъ. Радуйся, Апостоловъ немолчная уста: радуйся, страстотерпцевъ непобѣдимая дерзосте. Радуйся, твердое вѣры утверждение: радуйся, свѣтлое благодати познание. Радуйся, Еюже обнажися адъ: радуйся, Еюже облекохомся славою. Радуйся, Невѣсто Неневѣстная.

Кондакъ 5.

Боготечную звѣзду узрѣвше волсви, тоя послѣдоваша зари: и яко свѣтильникъ держаще ю, тою испытаху крѣпкаго Царя: и достигше недостижимаго, возрадовашася, Ему вопіюще: Аллилуіа.

Икосъ 5.

Видѣша отроцы Халдейстїи на руку Дѣвичу Создавшаго рукама челоуѣки, и Владыку разумѣвающе Его, аще и рабїй прїять зракъ, потщася дарми послужити Ему, и возопити Благословеннѣй: Радуйся, звѣзды незаходимыя Мати: радуйся, заре таинственнаго дне. Радуйся, прелести пещь угасившая: радуйся, Троицы таинники Просвѣщающая. Радуйся, мучителя безчелоуѣчнаго измѣтающая отъ начальства: радуйся, Господа Челоуѣколюбца показавшая Христа. Радуйся, варварскаго избавляющая служения: радуйся, тимѣнія изымающая дѣль. Радуйся, огня поклонение угасившая, радуйся, пламене страстей измѣняющая. Радуйся, вѣрныхъ наставнице цѣломудрїа: радуйся, всѣхъ родовъ веселіе. Радуйся, Невѣсто Неневѣстная.

Кондакъ 6.

Проповѣдницы Богоноснїи бывше волсви, возвратишася въ Вавилонъ, скончавше Твое пророчество: и проповѣдавше Тя Христа всѣмъ, оставиша Ирода яко буесловяща, не вѣдуща пѣти: Аллилуіа.

Икосъ 6.

Возсіавый во Ёгиптѣ просвѣщение истины, отгналъ еси лжи тму: идоли бо его, Спасе, не терпяще Твоя крѣпости, падоша: сихъ же избавльшїися вопїяху къ Богородицѣ: Радуйся, исправление челоуѣковъ: радуйся, низпадение бѣсовъ. Радуйся, прелести державу поправшая: радуйся, идольскую леть обличившая. Радуйся, море, потопившее фараона мысленнаго: радуйся, каменю, напоившїй жаждущыя жизни. Радуйся, огненный столпе, наставляяй сущыя во тмѣ: радуйся, покрове міру, ширшїй облака. Ра-

радуйся, пище, манны приѣмнице: радуйся, сладости святаго служительнице. Радуйся, земле обѣтованія: радуйся, из неяже течеть медь и млеко. Радуйся, Невѣсто Невѣстная.

Кондакъ 7.

Хотяшу Симеону отъ нынѣшняго вѣка преставитися прелестнаго, вдался еси яко младенець тому, но познался еси ему и Богъ совершенный: тѣмже удивися Твоей неизреченнѣй премудрости, зовый: Аллилуіа.

Икосъ 7.

Новую показа тварь, явлься Зиждитель, намъ отъ Него бывшымъ, изъ безѣмныя прозябъ утробы, и сохранивъ ю, якоже бѣ нетлѣнну, да чудо видяще, воспоимъ ю, вопіюще: Радуйся, цвѣте нетлѣнїа: радуйся, вѣнче воздержанїа. Радуйся, воскресенїа образъ облістающая: радуйся, Ангельское житїе являющая. Радуйся, древо свѣтоплодовитое, отъ негоже питаются вѣрнїи: радуйся, древо благосѣннолиственное, имже покрываются мнози. Радуйся, во чревѣ носящая Избавителя плѣнненнымъ: радуйся, рождающая Наставника заблудшымъ. Радуйся, Судїи Праведнаго умоленїе: радуйся, многихъ согрѣшенїй прощенїе. Радуйся, одеждо нагихъ дерзновенїа: радуйся, любы, всякое желанїе побѣждающая. Радуйся, Невѣсто Невѣстная.

Кондакъ 8.

Странное рождество видѣвше, устранимся міра, умъ на небеса преложше: сего бо ради высокій Богъ на земли явися смиренный человѣкъ, хотяй привлещи къ высотѣ, Тому вопіющыя: Аллилуіа.

Икосъ 8.

Весь бѣ въ нижнихъ, и вышнихъ никакоже отступи неописанное Слово: снисхождение бо Божественное, не прехождение же мѣстное бысть, и рождество отъ Дѣвы Богопрїятныя, слышася сіа: Радуйся, Бога невѣстимаго вмѣстилище: радуйся, честнаго таинства двери. Радуйся, невѣрныхъ сумнительное слышанїе: радуйся, вѣрныхъ извѣстная похвало. Радуйся, колеснице пресвятая Сушаго на херувимѣхъ: радуйся, селенїе преславное Сушаго на серафимѣхъ. Радуйся, противная въ тожде собравшая: радуйся, дѣвство и рождество сочетавшая. Радуйся, Еюже разрѣшша преступленїе: радуйся, Еюже отверзеша рай. Радуйся, ключу

Царствія Христова: радуйся, надеждо благъ вѣчныхъ. Радуйся, Невѣсто Неневѣстная.

Кондакъ 9.

Всякое естество Ангельское удивися великому Твоего вочеловѣченія дѣлу: неприступнаго бо яко Бога, зряше всѣмъ приступнаго Человѣка, намъ убо спребывающа, слышаща отъ всѣхъ: Аллилуіа.

Икосъ 9.

Вѣтія многовѣщанныя яко рыбы безгласныя видимъ о Тебѣ, Богородице: недоумѣвають бо глаголати, еже како и Дѣва пребываеши, и родити возмогла еси? Мы же таинству дивящеся, вѣрно вопіемъ: Радуйся, премудрости Божія пріятелище: радуйся, промышленія Его сокровище. Радуйся, любомудрыя немудрыя являющая: радуйся, хитрословесныя безсловесныя обличающая. Радуйся, яко обуяша лютіи взыскателе: радуйся, яко увядоша баснотворцы. Радуйся, Аѳинейская плетенія растерзающая: радуйся, рыбарскія мрежи исполняющая. Радуйся, изъ глубины невѣдѣнія извещающая: радуйся, многи въ разумѣ просвѣщающая. Радуйся, кораблю хотящихъ спастися: радуйся, пристанище житейскихъ плаваній. Радуйся, Невѣсто Неневѣстная.

Кондакъ 10.

Спасти хотя міръ, Иже всѣхъ Украситель, къ сему самообѣтованъ прииде, и Пастырь сый яко Богъ, насъ ради явися по намъ человѣкъ: подобнымъ бо подобное призвавъ, яко Богъ слышитъ: Аллилуіа.

Икосъ 10.

Стѣна еси дѣвамъ, Богородице Дѣво, и всѣмъ къ Тебѣ прибѣгающимъ: ибо небесе и земли Творецъ устрои Тя, Пречистая, вселься во утробѣ Твоей, и вся приглашати Тебѣ научивъ: Радуйся, столпе дѣвства: радуйся, дверь спасенія. Радуйся, начальнице мысленнаго назданія: радуйся, подательнице Божественныя благодати. Радуйся, Ты бо обновила еси зачатыя студно: радуйся, Ты бо наказала еси окраденныя умомъ. Радуйся, тлителя смысловъ упражняющая: радуйся, Святеля чистоты рождающая. Радуйся, чертоже безсѣменнаго уневѣщенія: радуйся, вѣрныхъ Господеви сочетавающая. Радуйся, добрая младопитательнице

дѣвамъ: радуйся, невѣстокрасительнице душъ святыхъ. Радуйся, Невѣсто Невѣстная.

Кондакъ 11.

Пѣніе всякое побѣждается, спростретися тщасееся ко множеству многихъ щедротъ Твоихъ: равночисленная бо песка пѣсни аще приносимъ Ти, Царю Святый, ничтоже совершаемъ достойно, яже даль еси намъ, Тебѣ вопіющымъ: Аллилуіа.

Икосъ 11.

Свѣтопріемную свѣшу, сущымъ во тмѣ явльшуюся, зримъ Святую Дѣву: невещественный бо вжигающій огонь, наставляеть къ разуму Божественному вся, зарею умъ просвѣщающая, званіемъ же почитаемая, сими: Радуйся, луче умнаго Солнца: радуйся, свѣтило незаходимаго Свѣта. Радуйся, молніе, души просвѣщающая: радуйся, яко громъ, враги устрашающая. Радуйся, яко многосвѣтлое возсіяваеши просвѣшеніе: радуйся, яко многотекущую источаеши рѣку. Радуйся, купѣли живописующая образъ: радуйся, грѣховную отъемлющая скверну. Радуйся, бане, омывающая совѣсть: радуйся, чаше, черплющая радость. Радуйся, обоняніе Христова благоуханія: радуйся, животе тайнаго веселія. Радуйся, Невѣсто Невѣстная.

Кондакъ 12.

Благодать дати восхотѣвъ, долговъ древнихъ, всѣхъ долговъ Рѣшитель человѣкомъ приде Собою ко отшедшымъ Того благодати: и раздравъ рукописаніе, слышитъ отъ всѣхъ сиче: Аллилуіа.

Икосъ 12.

Поюще Твое рождество, хвалимъ Тя вси, яко одушевленный храмъ, Богородице: во Твоей бо вселився утробѣ, содержи вся рукою Господь, освяти, прослави и научи вопити Тебѣ всѣхъ: Радуйся, селеніе Бога и Слова: радуйся, Святая святыхъ большая. Радуйся, ковчеже позлащенный Духомъ: радуйся, сокровище живота неистощимое. Радуйся, честный вѣнче царей благочестивыхъ: радуйся, честная похвало іереевъ благоговѣйныхъ. Радуйся, Церкви непоколебимый столпе: радуйся, царствія нерушимая стѣно. Радуйся, Еюже воздвигутся побѣды: радуйся, Еюже низпадаютъ врази. Радуйся, тѣла моего врачеваніе: радуйся, души моя спасеніе. Радуйся, Невѣсто Невѣстная.

Кондакъ 13.

О, всепѣтая Мати, рождшая всѣхъ святыхъ Святѣйшее Слово! нынѣшнее приѣмши приношеніе, отъ всякія избави напасти всѣхъ, и будущія изми муки, о Тебѣ вопіющихъ: Аллилуіа.

Сей кондакъ глаголи трижды.

И паки икосъ 1.

Ангель предстатель съ небесе посланъ бысть рещи Богородицѣ: радуйся, и со безплотнымъ гласомъ воплощаема Тя зря, Господи, ужасашеся и стояше, зовый къ Ней таковая: Радуйся, Еюже радость возсіяетъ: радуйся, Еюже клятва исчезнетъ. Радуйся, падшаго Адама воззваніе: радуйся, слезъ Евиныхъ избавленіе. Радуйся, высоту, неудобовосходима челоуѣческими помыслы: радуйся, глубино неудобозрима и Ангельскима очима. Радуйся, яко еси Царево сѣдалище: радуйся, яко носиши Носящаго вся. Радуйся, звѣздо, являющая Солнце: радуйся, утробо Божественнаго воплощенія. Радуйся, Еюже обновляется тварь: радуйся, Еюже покланяемся Творцу. Радуйся, Невѣсто Неневѣстная.

Кондакъ 1.

Взбранной Воеводѣ побѣдительная, яко избавльшесе отъ злыхъ, благодарственная воспісуемъ Ти раби Твои, Богородице: но яко имущая Державу непобѣдимую, отъ всякихъ насъ бѣдь свободи, да зовемъ Ти: радуйся, Невѣсто Неневѣстная.

Послѣдованіе ко Св. Причащенію.

Молитвами святыхъ отецъ нашихъ, Господи Иисусе Христе Боже нашъ, помилуй насъ. Аминь.

Царю Небесный: Трисвятое. Пресвятая Троице: Отче нашъ: Господа, помилуй, 12. Приидите, поклонимся: трижды.

И настоящыя псалмы:

Псаломъ 22.

Господь пасеть мя, и ничтоже мя лишить. На мѣстѣ злачнѣ, тамо всели мя, на водѣ покойнѣ воспита мя. Душу мою обрати, настави мя на стези правды, имене ради Своего. Аще бо и пойду по средѣ сѣни смертныя, не убоюся зла, яко Ты со мною еси: жезлъ Твой и палица Твоя, та мя утѣшиста. Уготоваль еси предо мною трапезу сопротивъ стужающымъ мнѣ: умастилъ еси елеомъ главу мою, и чаша Твоя упоявающи мя, яко державна. И милость Твоя поженеть мя вся дни живота моего: и еже вселитимся въ домъ Господень въ долготу днѣй.

Псаломъ 23.

Господня земля, и исполненіе ея, вселенная, и вси живущіи на ней. Той на моряхъ основаль ю есть и на рѣкахъ уготоваль ю есть. Кто взыдетъ на гору Господню? или кто станетъ на мѣстѣ святѣмъ Его? неповиненъ рукама, и чистъ сердцемъ: иже не пріять всеу душу свою, и не клятсѣя лестію искреннему своему. Сей приметъ благословеніе отъ Господа, и милостыню отъ Бога Спаса своего. Сей родъ ищущихъ Господа, ищущихъ лице Бога Іаковля. Возмите врата князи ваша, и возमितесь врата вѣчная: и внидеть Царь славы. Кто есть сей Царь славы? Господь крѣпокъ и силенъ, Господь силенъ въ брани. Возмите врата князи ваша, и возमितесь врата вѣчная: и внидеть Царь славы. Кто есть сей Царь славы? Господь силъ, Той есть Царь славы.

Псаломъ 115.

Вѣровахъ, тѣмже возглаголахъ: азъ же смирихся зѣло. Азъ же рѣхъ во изступленіи моемъ: всякъ человекъ ложь. Что воздамъ Господеву о всѣхъ, яже воздаде ми? Чашу спасенія пріиму, и имя Господне призову: молитвы моя Господеву воздамъ предъ всѣми людьми Его. Честна предъ Господемъ смерть преподобныхъ Его. О Господи, азъ рабъ Твой, азъ рабъ Твой, и сынъ рабыни Твоя:

растерзаль еси узы моя. Тебѣ пожру жертву хвалы, и во имя Господне призову: молитвы моя Господеви воздамъ предъ всѣми людьми Его: во дворѣхъ дому Господня, посреде тебѣ, Иерусалиме.

Слава, и нынѣ: Аллилуїа, *трижды. Поклоны три.*

Тропари, гласъ 8-й.

Беззаконія моя презри, Господи, отъ Дѣвы рождейся, и сердце мое очисти, храмъ то творя пречистрму Твоему тѣлу и крови: ниже отрини мене отъ Твоего лица, безъ числа имѣяя велію милость.

Слава:

Во причастіе святынь Твоихъ како дерзну недостойный? Аще бо дерзну къ Тебѣ приступити съ достойными, хитонъ мя обличаетъ, яко нѣсть вечерній: и осужденіе исходатайствую многогрѣшной души моей. Очисти, Господи, скверну души моя, и спаси мя, яко Человѣколюбець.

И нынѣ:

Многая множества моихъ, Богородице, прегрѣшеній, къ Тебѣ прибѣгохъ, Чистая, спасенія требую: посѣти немоществующую мою душу, и моли Сына Твоего и Бога нашего, дати ми оставленіе, яже содѣяхъ лютыхъ, едина благословенная.

Во святую же Четырдесятницу сіе:

Егда славніи ученицы на умовеніи вечера просвѣщахуса, тогда Іуда злочестивый сребролюбіемъ недуговавъ омрачашеся, и беззаконнымъ судіямъ Тебе праведнаго Судію предаеть. Видь, имѣній рачителю, сихъ ради удавленіе употребивша: бѣжи несытѣя души, Учителю таковая дерзнувшія. Иже о всѣхъ благій Господи, слава Тебѣ.

Псаломъ 50.

Помилуй мя, Боже, по величій милости Твоей, и по множеству щедротъ Твоихъ очисти беззаконіе мое. Наипаче омый мя отъ беззаконія моего, и отъ грѣха моего очисти мя. Яко беззаконіе мое азъ знаю, и грѣхъ мой предо мною есть выну. Тебѣ единому согрѣшихъ, и лукавое предъ Тобою сотворихъ: яко да оправдишися во словесѣхъ Твоихъ, и побѣдиши внегда судити Ти. Се бо въ беззаконіихъ зачатъ есмь, и во грѣсѣхъ роди мя мати моя. Се бо

истину возлюбилъ еси: безвѣстная и тайная премудрости Твоея явилъ ми еси. Окропиши мя вссопомъ, и очишуся: омыеши мя, и паче снѣга убѣлюся. Слуху моему даси радость и веселіе: возрадуются кости смиренныя. Отврати лице Твое отъ грѣхъ моихъ, и вся беззаконія моя очисти. Сердце чисто созижди во мнѣ, Боже, и дух правъ обнови во утробѣ моей. Не отвержи мене отъ лица Твоего, и Духа Твоего Святаго не отъими отъ мене. Воздаждь ми радость спасенія Твоего, и Духомъ Владычнимъ утверди мя. Научу беззаконныя путемъ Твоимъ, и нечестивіи къ Тебѣ обратятся. Избави мя отъ кровей, Боже, Боже спасенія моего: возрадуется языкъ мой правдѣ Твоей. Господи, устнѣ мои отверзеши, и уста моя возвѣстятъ хвалу Твою. Яко аще бы восхотѣлъ еси жертвы, далъ быхъ убо: всесожженія не благоволиши. Жертва Богу духъ сокрушенъ, сердце сокрушенно и смиренно Богъ не уничижитъ. Ублажи, Господи, благоволеніемъ Твоимъ Сіона, и да созиждутся стѣны Іерусалимскія. Тогда благоволиши жертву правды, возношенія и всесожегаемая: тогда возложить на олтарь Твой тельцы.

И абіе: Канонъ, гласъ 2-й. Пѣснь 1.

Ирмосъ: Грядите людіе, поимъ пѣснь Христу Богу, раздѣльшему море, и наставльшему люди, яже изведе из работы египетскія, яко прославися.

Сердце чисто созижди во мнѣ, Боже, и духъ правъ обнови во утробѣ моей.

Хлѣбъ живота вѣчнующаго да будетъ ми Тѣло Твое Святое, благоутробне Господи, и Честная Кровь, и недугъ многообразныхъ исцѣленіе.

Не отвержи мене отъ лица Твоего, и Духа Твоего святаго не отъими отъ мене.

Оскверненъ дѣлы безмѣстными окаянный, Твоего Пречистаго Тѣла и Божественныя Крове недостойнъ есмь, Христе; причащенія, егоже мя сподоби.

Пресвятая Богородице, спаси насъ.

Богородиченъ: Земле благая, благословенная Богоневѣсто, класъ прозябшая неоранный и спасительный міру, сподоби мя сей яду-

ща спастися.

Пѣснь 3.

Ирмось: На камени мя «вѣры утвердивъ, расширилъ еси уста моя на враги моя. Возвеселибося духъ мой, внегда пѣти: нѣсть святъ якоже Богъ нашъ, и нѣсть праведенъ паче Тебе, Господи.

Слезныя ми подаждь, Христе, капли, скверну сердца моего очищающыя: яко да благою совѣстію очищенъ, вѣрою прихожду и страхомъ, Владыко, ко причащенію Божественныхъ даровъ Твоихъ.

Во оставленіе да будетъ ми прегрѣшеній Пречистое Тѣло Твое и Божественная Кровь, Духа же Святаго общеніе, и въ жизнь вѣчную, Человѣколюбче, и страстей и скорбей отчужденіе.

Богородичен: Хлѣба животнаго трапеза Пресвятая, свыше милости ради шедшаго, и мірови новый животъ дающаго, и мене нынѣ сподоби недостойнаго, со страхомъ вкусити сего, и живу быти,

Пѣснь 4.

Ирмось: Пришелъ еси отъ Дѣвы, не ходатай, ни Ангель, но Самъ Господи воплощя и спаслъ еси всего мя человѣка. Тѣмъ зову Ти: слава силъ Твоей, Господи.

Восхотѣлъ еси, насъ ради воплощя, Многомилостиве, закланъ быти яко овча, грѣхъ ради человѣческихъ: тѣмже молю Тя, и мои очисти согрѣшенія.

Исцѣли души моя язвы, Господи, и всего освяти; и сподоби, Владыко, яко да причащуся тайныя Твоя Божественныя вечери, окаянный.

Богородичень: Умилостиви и мнѣ Сущаго отъ утробы Твоя, Владычице, и соблюди мя нескверна раба Твоего, и непорочна, яко да приємъ умнаго бисера, освящуся,

Пѣснь 5.

Ирмось: Свѣта подателю и вѣковъ Творче, Господи, во свѣтѣ Твоихъ повелѣній настави насъ: развѣ бо Тебе, иного бога не знаемъ.

Якоже предрекль еси, Христе, да будетъ убо худому рабу Твоему, и во мнѣ пребуди, якоже обѣщался еси: се бо Тѣло Твое ямъ Божественное, и пію Кровь Твою.

Слове Божій и Боже, угль Тѣла Твоего да будетъ мнѣ помраченному въ просвѣщеніе, и очищеніе оскверненной души моей Кровь Твоя.

Богородичень: Маріе, Мати Божія, благоуханія честное селеніе, Твоими молитвами сосудъ мя избранный содѣлай, яко да освященной причащуся Сына Твоего.

Пѣснь 6.

Ирмось: Въ безднѣ грѣховнѣй валяся, неизслѣдную милосердія Твоего призываю бездну отъ тли, Боже, мя возведи.

Умъ, душу и сердце освяти, Спасе, и тѣло мое: и сподоби неосужденно, Владыко, къ страшнымъ тайнамъ приступити.

Дабы устранился отъ страстей, и Твоя благодати имѣль бы приложеніе, живота же утвержденіе, причащеніемъ Святыхъ, Христе, Таинъ Твоихъ.

Богородичень: Божіе, Боже, Слово Святое, всего мя освяти нынѣходящаго къ Божественнымъ Твоимъ Тайнамъ, Святія Матере Твоя мольбами.

Кондакъ, гласъ 2й.

Хлѣбъ, Христе, взяти не презри мя, Тѣло Твое, и Божественную Твою нынѣ Кровь, пречистыхъ, Владыко, и страшныхъ Твоихъ Таинъ причаститися окаяннаго, да не будетъ ми въ судъ, да будетъ же ми въ животь вѣчный и безсмертный.

Пѣснь 7.

Ирмось: Тѣлу златому премудрыя дѣти не послужиша, и въ пламень сами поидоша, и боги ихъ обругаша, среди пламене возопиша, и ороси я Ангель: услышася уже устъ вашихъ молитва.

Источникъ благихъ, причащеніе, Христе, безсмертныхъ Твоихъ нынѣ Таинствъ да будетъ ми свѣтъ, и животь, и безстрастіе, и къ преспѣянію же и умноженію добродѣтели Божественнѣйшія ходатайственно, едине Блаже, яко да славлю Тя.

Да избавлюся отъ страстей, и враговъ и нужды, и всякія скорби, трепетомъ, и любовію со благоговѣніемъ, Человѣколюбче, приступая нынѣ къ Твоимъ безсмертнымъ и Божественнымъ Тайнамъ, и пѣти Тебѣ сподоби: благословень еси, Господи, Боже отецъ нашихъ.

Богородичень: Спаса Христа рождающая паче ума, Богоблагодатная,

молю Тя нынѣ, рабѣ Твоей, Чистую нечистый: хотящаго мя нынѣ къ пречистымъ Тайнамъ приступити, очисти всего отъ скверны плоти и духа.

Пѣснь 8.

Ирмось: Въ пещь огненную ко отрокомъ Еврейскимъ снизшедшаго, и пламень въ росу преложшаго Бога, пойте дѣла яко Господа, и превозносите во вся вѣки.

Небесныхъ, и страшныхъ, и святыхъ Твоихъ, Христе, нынѣ Таинъ, и Божественныхъ Твоея и тайныхъ вечери, общника быти и мене сподоби отчаяннаго, Боже Спасе мой.

Подъ Твое прибѣгъ благоутробіе, Блаже, со страхомъ зову Ти: во мнѣ пребуди Спасе, и азъ, якоже реклъ еси, въ Тебѣ: се бо дерзая на милость Твою, ямъ Тѣло Твое, и пію Кровь Твою.

Троицень: Трепещу приѣмля огонь, да не опалюся яко воскъ, и яко трава: оле страшнаго таинства! оле благоутробія Божія! како Божественнаго Тѣла и Крове брєніе причащаюся, и нетлѣнень сотворяюся.

Пѣснь 9.

Ирмось: Безначальна Родителя Сынъ, Богъ и Господь, воплощя отъ Дѣвы, намъ яви, омраченныя просвѣти, собрати расточенная: тѣмъ всепѣтую Богородицу величаемъ.

Христось есть, вкусите и видите: Господь насъ ради, по намъ бо древле бывый, единою Себе принесъ, яко приношеніе Отцу Своему, присно закалается, освящай причащающыяся.

Душею и тѣломъ да освящуся, Владыко, да просвѣщуся, да спасуся, да буду домъ Твой, причащеніемъ священныхъ Таинъ, живущаго Тя имѣя въ себѣ со Отцемъ и Духомъ, Благодетелю Многомилостиве.

Якоже огонь да будетъ ми, и яко свѣтъ, Тѣло Твое и Кровь, Спасе мой, пречестная, опаляя грѣховное вещество, сжигая же страстей терніе, и всего мя просвѣщая, поклонятися Божеству Твоему.

Богородицень: Богъ воплотися отъ чистыхъ кровей Твоихъ: тѣмъже всякій родъ поеть Тя, Владычице, умная же множества славятъ, яко Тобою явѣ узрѣша всѣми Владычествующаго, осуществовавшагося чловѣчестврмъ.

И абіе:

Достойно есть: Трисвятое. Пресвятая Троице: Отче нашъ:

Тропарь дне, аще есть праздникъ Христова Рождества, или иный. Аще недѣля, тропарь воскресный по гласу. Аще же ни, сія, гласъ 6-й.

Помилуй насъ, Господи, помилуй насъ: всякаго бо отвѣта недоумѣюще, сію Ти молитву яко Владыцѣ, грѣшніи приносимъ: помилуй насъ.

Слава:

Господи, помилуй насъ, на Тя бо уповахомъ: не прогнѣвайся на ны зѣло, ниже помяни беззаконій нашихъ: но призри и нынѣ яко благоутробенъ, и избави ны отъ врагъ нашихъ: Ты бо еси Богъ нашъ, и мы людіе Твои, вси дѣла руку Твоею, и имя Твое призываемъ.

И нынѣ:

Милосердія двери отверзи намъ, благословенная Богородице, надѣющіися на Тя да не погибнемъ, но да избавимся Тобою отъ бѣдъ: Ты бо еси спасеніе рода христіанскаго.

Таже:

Господи, помилуй, *40. И поклоны, елико хоцещи. И абіе настоящія стихи:*

Хотя ясти, человѣче, Тѣло Владычне,
Страхомъ приступи, да не опалишия: огонь бо есть.
Божественную же пія Кровь ко общенію,
Первѣе примириетя опечалившимъ,
Таже дерзая, таинственное брашно яждь.

Ины стихи;

Прежде причастія страшныя жертвы,
Животворящаго Тѣла Владычня,
Симъ помолися образомъ со трепетомъ:

Молитва Великаго Василия, 1-я:

Владыко Господи Иисусе Христе, Боже нашъ, источниче жизни и безсмертія, всея твари видимыя и невидимыя Содѣтелю, безначальнаго Отца соприисносущный Сыне и собезначальный: премногія ради благости, въ послѣднія дни въ плоть оболкійся и распныйся, и погребыйся за ны неблагодарныя и злонравныя, и Твоею кровію обновивый растлѣвшее грѣхомъ естество наше:

Самъ, Безсмертный Царю, пріими и мое грѣшнаго покаяніе, и приклони ухо Твое мнѣ, и услыши глаголы моя. Согрешихъ бо, Господи, согрешихъ на небо и предъ Тобою, и нѣсмь достоинъ возрѣти на высоту славы Твоя: прогнѣвахъ бо Твою благодать, Твоя заповѣди преступивъ, и не послушавъ Твоихъ повелѣній. Но Ты, Господи, незлобивъ сый, долготерпѣливъ же и многомилостивъ, не предаль еси мя погибнути со беззаконными моими, моего всячески ожидая обращенія. Ты бо реклъ еси, Человѣколюбче, пророкомъ Твоимъ: яко хотѣніемъ не хочу смерти грѣшника, но еже обратитися и живу быти ему. Не хочещи бо, Владыко, созданія Твоею руку погубити, ниже благоволиши о погибели человѣчестѣй, но хочещи всѣмъ спастися, и въ разумъ истины пріити. Тѣмже и азъ, аще и недостойнъ есмь небесе и земли, и сея привременныя жизни, всего себя повинувъ грѣху, и сластемъ поработивъ, и Твой осквернивъ образъ: но твореніе и созданіе. Твое бывъ, не отчаяваю своего спасенія окаянный, на Твое же безмѣрное благоутробіе дерзая прихожду. Пріими убо и мене, Человѣколюбче Господи, якоже блудницу, яко разбойника, яко мытаря, и яко блуднаго: и возми мое тяжкое бремя грѣховъ, грѣхъ вземлай міра, и немощи человѣческія исцѣляяй, труждающыяся и обремененныя къ Себѣ призываяй и упокоеваяй: не пришедый призвати праведная, но грѣшныя на покаяніе: и очисти мя отъ всякія скверны плоти и духа, и научи мя совершати святыню во страсъ Тво емъ: яко да чистымъ свидѣніемъ совѣсти моя, святынь Твоихъ часть пріемля, соединюся святому Тѣлу Твоему и Крови, и имѣю Тебе во мнѣ живуща и пребы вающа, со Отцемъ, и Святымъ Твоимъ Духомъ. Ей, Господи Іисусе Христе, Боже мой! и да не въ судъ ми будетъ причастіе пречистыхъ и животворящихъ Таинъ Твоихъ, ниже да немощень буду душею же и тѣломъ, отъ еже недостойнѣ тѣмъ причащатися: но даждь ми, даже до конечнаго моего издыханія, неосужденно воспріимати часть святынь Твоихъ, въ Духа Святаго общеніе, въ напутіе живота вѣчнаго, и во благопріятенъ отвѣтъ на страшнѣмъ судищи Твоемъ: яко да и азъ со всѣми избранными Твоими общникъ буду нетлѣнныхъ Твоихъ благъ, яже уготоваль еси любящымъ Тя, Господи: въ нихже препрославленъ еси во вѣки. Аминь.

Молитва иже во святыхъ отца нашего Іоанна Златоустаго, 2-я.

Господи Боже мой, вѣмъ, яко нѣсмь достоинъ, ниже доволенъ, да подь кровь внидешм храма души моя, занеже весь пусть и пался есть, и не имаши вб мнѣ мѣста достойна, еже главу подклонити: но якоже съ высоты насъ ради смирилъ еси Себе, смирися и нынѣ смиренію моему: и якоже воспріаль еси въ вертепѣ и въ яслѣхъ безсловесныхъ возлеци, сице воспріими и въ яслѣхъ безсловесныхъ моя души, во оскверненное мое тѣло внити. И якоже не недостоилъ еси внити, и свечеряти со грѣшники въ дому Симона прокаженнаго, тако изволи внити и въ домъ смиренныя моя души, прокаженныя и грѣшныя: и якоже не отринулъ еси подобную мнѣ блудницу, и грѣшную, пришедшую и прикоснувшуюся Тебѣ, сице умилосердися и о мнѣ грѣшнѣмъ, приходящемъ и прикасающемся; и якоже не возгнушался скверныхъ ея усть и нечистыхъ, цѣлюющихъ Тя, ниже моихъ возгнушайся скверныхъ оныя усть и нечистшихъ, ниже мерзкихъ моихъ и нечистыхъ устенъ, и сквернаго и нечистѣйшаго моего языка. Но да будетъ ми угль пресвятаго Твоего Тѣла и честныя Крове, во освященіе, и просвѣщеніе и здравіе смиреннѣй моей души и тѣлу, во облегченіе тяжестей многихъ моихъ согрѣшеній, въ соблюденіе отъ всякаго діавольскаго дѣйства, во отгнаніе и возбраненіе злаго моего и лукаваго обычая, во умерщвленіе страстей, въ снабдѣніе заповѣдей Твоихъ, въ приложеніе Божественныя Твоя благодати, и Твоего Царствія присвоеніе. Не бо яко презирай приходяду къ Тебѣ, Христе Боже, но яко дерзая на неизреченную Твою благодать, и да не на мнозѣ удаляйся общенія Твоего, отъ мысленнаго волка звѣроуловленъ буду. Тѣмже молюся Тебѣ: яко единъ сый Святъ, Владыко, освяти мою душу и тѣло, умъ и сердце, чревеса и утробы, и всего мя обнови, и вкорени страхъ Твой во удесѣхъ моихъ, и освященіе Твое неотъемлемо отъ мене сотвори: и буди ми помощникъ и заступникъ, окормляя въ мирѣ животъ мой, сподобляя мя и одесную Тебе предстоянія со святыми Твоими, молитвами и моленьми Пречистыя Твоя Матери, невещественныхъ Твоихъ служителей и пречистыхъ силъ, и всѣхъ святыхъ, отъ вѣка Тебѣ благоугодившихъ. Аминь.

Молитва иная, Сумеона Метафраста, 3-я.

Едине чистый и нетлѣнный Господи, за неизреченную милость челоуѣколюбія, наше все воспріемый смѣшеніе, отъ чистыхъ и дѣвственныхъ кровей паче естества Рождшія Тя, Духа Божественнаго нашествіемъ, и благоволеніемъ Отца присносушнаго, Христе Иисусе, премудросте Божія, и мире, и сило: Твоимъ воспріятіемъ животворящая и спасительная страданія воспріемый, крестъ, гвоздія, копіе, смерть: умертви моя душетленная страсти тѣлесныя. Погребеніемъ Твоимъ адова плѣнивый царствія, погреби моя благими помыслы лукавая совѣтованія, и лукавствія души разори. Триденнымъ Твоимъ и живоноснымъ воскресеніемъ падшаго праотца возставивый, возстави мя грѣхомъ поползшагося, образы мнѣ покаянія предлагая. Преславнымъ Твоимъ вознесеніемъ плотское обоживый воспріятіе, и сіе деснымъ Отца сѣдѣніемъ почтый, сподоби мя причастіемъ святыхъ Твоихъ Таинъ, десную часть спасаемыхъ получить. Снитіемъ Утѣшителя Твоего Духа сосуды честны священныя Твоя ученики содѣлавый, пріятелище и мене покажи Того пришествія. Хотяй паки пріити судити вселеннѣй правдою, благоволи и мнѣ усрѣсти Тя на облацѣхъ, Судію и Создателя моего, со всѣми святыми Твоими: да безконечно славословлю и воспѣваю Тя, со безначальнымъ Твоимъ Отцемъ, и Пресвятымъ и благамъ и животворящимъ Твоимъ Духомъ, нынѣ и присно, и во вѣки вѣковъ. Аминь.

Божественнаго Дамаскина, 4-я.

Владыко Господи Иисусе Христе, Боже нашъ, едине имѣяй власть челоуѣкомъ оставляти грѣхи, яко благо и Челоуѣколюбець презри моя вся въ вѣдѣннїи и не въ вѣдѣннїи прегрѣшенія: и сподоби мя неосужденно причаститися Божественныхъ, и преславныхъ, и пречистыхъ, и животворящихъ Твоихъ Таинъ, не въ тяжесть, ни въ муку, ни въ приложеніе грѣховъ: но во очищеніе, и освященіе, и обрученіе будущаго живота и царствія, въ стѣну и помощь, и въ возраженіе сопротивныхъ, во истребленіе многихъ моихъ согрѣшеній. Ты бо еси Богъ милости, и щедротъ, и челоуѣколюбія, и Тебѣ славу возсылаемъ, со Отцемъ, и Святымъ Духомъ, нынѣ и присно, и во вѣки вѣковъ. Аминь.

Великаго Василя, 5-я.

Вѣмь, Господи, яко недостойнѣ при чашаюся пречистаго Твоего Тѣла и честныя Твоея Крове, и повинень есмь, и судь себѣ ямь и пію, не разсуждая Тѣла и Крове Тебе Христа и Бога моего: но на щедроты Твоя дерзая прихожду къ Тебѣ рекшему: ядый Мою плоть, и пійя Мою кровь, во Мнѣ пребываеть, и Азь въ немь. Умилосердися убо, Господи, и не обличи мя грѣшнаго, но сотвори со мною по милости Твоей: и да будутъ ми святая сія, во исцѣленіе, и очищеніе, и просвѣщеніе, и сохраненіе, и спасеніе, и во освященіе души и тѣла: во отгнаніе всякаго мечтанія, и лукаваго дѣянія, и дѣйства діавольскаго, мысленнѣ во удесѣхъ моихъ дѣйствуемаго, въ дерзновеніе и любовь яже къ Тебѣ: во исправленіе житія и утвержденіе, въ возвращеніе добродѣтели и совершенства: во исполненіе заповѣдей, въ Духа Святаго общеніе, въ напутіе живота вѣчнаго, во отвѣтъ благопріятень на стращнѣмь судищи Твоемь: не въ судь, или во осужденіе.

Молитва св. Свмеона Новаго Богослова, 6-я.

Отъ скверныхъ устенъ, отъ мерзкаго сердца, отъ нечистаго языка, отъ души осквернены, пріими моленіе, Христе мой, и не презри моихъ, ни словесъ, ниже образовъ, ниже безстудія. Дажь ми дерзновенно глаголати, яже хошу, Христе мой, паче же и научи мя, что ми подобаеть творити и глаголати: согрѣшихъ паче блудницы, яже увѣдѣ гдѣ обитаеши, мврo купивши, пріиде дерзостнѣ помазати Твои нозѣ, Бога моего, Владыки и Христа моего. Якоже ону не отринуть еси пришедшую отъ сердца, ниже мене возгнушайся, Слове: Твои же ми подаждь нозѣ, и держати и цѣловати, и струями слезными, яко многоцѣннымъ Владыки и Бога моего: божественныхъ бо причащайся и боготворящихъ благодатей, не убо есмь единь, но съ Тобою, Христе мой, свѣтомъ трисолнечнымъ, просвѣщающимъ мірь. Да убо не единь пребуду кромѣ Тебе Живодавца, дыханія моего, живота моего, радованія моего, спасенія міру. Сего ради къ Тебѣ приступихъ, якоже зриши, со слезами, и душею сокрушенною, избавленія моихъ прегрѣшеній прошу пріяти ми, и Твоихъ живодательныхъ и непорочныхъ таинствъ причаститися неосужденно, да пребудеши, якоже рекль еси, со мною треокайнымъ, да не кромѣ обрѣтъ мя Твоея благо-

дати, прелестникъ восхитить мя лъстивнѣ, и прельстивъ отведеть боготворящихъ Твоихъ словесъ. Сего ради къ Тебѣ припадаю, и теплѣ вопію Ти: якоже блуднаго пріяль еси, и блудницу пришедшую: тако пріими мя блуднаго и сквернаго, Щедре. Душею сокрушенною, нынѣ бо къ Тебѣ приходя, вѣмъ, Спасе, яко иный, якоже азъ, не прегрѣши Тебѣ, ниже содѣя дѣянія, яже азъ содѣяхъ. Но сіе паки вѣмъ, яко не величество прегрѣшеній, ни грѣховъ множество превосходитъ Бога моего многое долготерпѣніе, и человѣколюбіе крайнее: но милостию сострастія теплѣ кающыяся, и чистиши, и свѣтлиши, и свѣта твориши причастники, общники Божества Твоего содѣловаяй независтно, и странное и Ангеломъ, и человѣческимъ мыслемъ, бесѣдуеши имъ многажды, якоже другомъ Твоимъ истиннымъ. Сія дерзостна творять мя, сія вперяють мя, Христе мой. И дерзая Твоимъ богатымъ къ намъ благодѣаніемъ, радуяся вкупѣ и трепеща, огневи причащаюся, трава сый, и странно чудо, орошаемъ неопально, якоже убо купина древле неопальнѣ горящи. Нынѣ благодарною мыслію, благодарнымъ же сердцемъ, благодарными удесы моими, души и тѣла моего, поклоняюся и величаю, и славословлю Тя, Боже мой, яко благословенна суща, нынѣ же и во вѣки.

Молитва иная Златоустаго, 7-я.

Боже, ослаби, остави, прости ми согрѣшенія моя, елика Ти согрѣшихъ, аще словомъ, аще дѣломъ, аще помышленіемъ, волею или неволею, разумомъ или неразуміемъ, вся ми прости яко благъ и Человѣколюбець. И молитвами Пречистыя Твоея Матере, умныхъ Твоихъ служителей и святыхъ силъ, и всѣхъ святыхъ, отъ вѣка Тебѣ благоугодившихъ, неосужденно благоволи пріяти ми святое и пречистое Твое Тѣло и честную Кровь, во исцѣленіе души же и тѣла, и во очищеніе лукавыхъ моихъ помышленій. Яко Твое есть царство и сила и слава, со Отцемъ и Святымъ Духомъ, нынѣ и присно, и во вѣки вѣковъ. Аминь.

Тогожде, 8-я.

Нѣсмь доволенъ, Владыко Господи, да внидеши подъ кровъ души моея: но понеже хочещи Ты, яко Человѣколюбець жити во мнѣ, дерзая приступаю: повелѣваеши, да отверзу двери, яже Ты единъ создалъ еси, и внидеши со человѣколюбіемъ якоже еси, внидеши

и просвѣщаеши помраченный мой помысль: вѣрую, яко сіе сотвориши: не бо блудницу, со слезами пришедшую къ Тебѣ, отгналъ еси: ниже мытаря отвергль еси покаявшася: ниже разбойника, познавша царство Твое, отгналъ еси: ниже гонителя покаявшася оставиль еси, еже бѣ: но отъ покаянія Тебѣ пришедшыя вся, въ лицѣ Твоихъ друзей вчиниль еси, единъ сый благословенный всегда, нынѣ и въ безконечныя вѣки. Аминь.

Тогожде, 9-я.

Господи Иисусе Христе, Боже мой, ослаби, остави, очисти, и прости ми, грѣшному, и непотребному, и недостойному рабу Твоему прегрѣшенія, и согрѣшенія, и грѣхопаденія моя, елика Ти отъ юности моя, даже до настоящаго дне и часа согрѣшихъ: аще въ разумѣ и въ неразуміи, аще въ словесѣхъ или дѣлѣхъ, или помышленіихъ и мыслехъ, и начинаніяхъ, и всѣхъ моихъ чувстввахъ. И молитвами безсѣменно рождшія Тя, Пречистыя и Приснодѣвы Маріи, Матере Твоея, единыя непостыдныя надежды и предстательства и спасенія моего, сподоби мя неосужденно причаститися пречистыхъ, бессмертныхъ, животворящихъ и страшныхъ Твоихъ Таинствъ, во оставленіе грѣховъ и въ жизнь вѣчную: во освященіе, и просвѣщеніе, крѣпость, исцѣленіе, и здравіе души же и тѣла, и въ потребленіе и всесовершенное погубленіе лукавыхъ моихъ помысловъ, и помышлений, и предпріятій, и ношныхъ мечтаній, темныхъ и лукавыхъ духовъ: яко Твое есть царство, и сила, и слава, и честь, и поклоненіе, со Отцемъ и Святымъ Твоимъ Духомъ, нынѣ и присно, и во вѣки вѣковъ. Аминь.

Молитва иная Іоанна Дамаскина, 10-я.

Предъ дверьми храма Твоего предстою, и лютыхъ помышлений не отступаю: но Ты, Христе Боже, мытаря оправдивый, и Хананею иомиловавый, и разбойнику рая двери отверзый, отверзи ми утробы челоуѣколюбія Твоего, и приими мя приходяща и прикасающася Тебѣ, яко блудницу, и кровоточивую: ова убо края ризы Твоея коснувшися, удобъ исцѣленіе пріять: ова же пречистѣи Твои нозѣ удержавши, разрѣшеніе грѣховъ понесе. Азъ же, окаянный, все Твое Тѣло дерзая воспріяти, да не опалень буду: но приими мя, якоже оныя, и просвѣти моя душевныя чувства, поपालя моя

грѣховныя вины, молитвами безсѣменно Рождшія Тя, и небесныхъ силъ; яко благословенъ еси во вѣки вѣковъ. Аминь.

Молитва иная Златоустаго:

Вѣрую, Господи, и исповѣдую, яко Ты еси воистинну Христось, Сынъ Бога живаго, пришедый въ міръ грѣшныя спасти, отъ нихже первый есмь азъ. Еще вѣрую, яко сіе самое есть пречистое Тѣло Твое, и сія самая есть честная Кровь Твоя. Молюся убо Тебѣ: помилуй мя, и прости ми прегрѣшенія моя, вольная и невольная, яже словомъ, яже дѣломъ, яже вѣдѣніемъ и невѣдѣніемъ, и сподоби мя неосужденно причаститися пречистыхъ Твоихъ Таинствъ, во оставленіе грѣховъ, и въ жизнь вѣчную. Аминь.

Приходяй же причаститися, глаголи въ себѣ настоящыя стихи

Метафраста:

Се приступаю къ Божественному Причащенію.

Содѣтелю, да не опалиши мя приобщеніемъ:

Огнь бо еси, недостойныя попяляя.

Но убо очисти мя отъ всякія скверны.

Таже паки глаголи:

Вечери Твоя тайныя днесь, Сыне Божій, причастника мя приими: не бо врагомъ Твоимъ тайну повѣмъ, ни лобзанія Ти дамъ, яко Иуда, но яко разбойникъ, исповѣдую Тя: помяни мя, Господи, во Царствіи Твоемъ.

Паки стихи сія:

Боготворящую Кровь ужаснися, человѣче, зря:

Огнь бо есть, недостойныя попяляя. Божественное Тѣло и обожаеть мя и питаетъ.

Обожаеть духъ, умъ же питаетъ странно.

Таже тропари:

Усладилъ мя еси любовію, Христе, и измѣнилъ мя еси Божественнымъ Твоимъ раченіемъ: но попали огнемъ невестественнымъ грѣхи моя, и насытитися еже въ Тебѣ, наслажденія сподоби: да ликуя возвеличаю, Блаже, два пришествія Твоя.

Во свѣтлостехъ святыхъ, Твоихъ како вниду недостойный? Аще бо дерзну совнати въ чертогъ, одежда моя обличаетъ, яко нѣсть брачна, и связанъ извержень буду отъ Ангеловъ. Очисти, Господи, скверну скверну души моя, и спаси мя, яко Человѣколюбецъ.

Таже молитву:

Владыко Человѣколюбче, Господи Иисусе Христе, Боже мой, да не въ судъ ми будутъ святая сія, за еже недостойну ми быти: но во очищеніе и освященіе души же и тѣла, и во обрученіе будущія жизни и царствія. Мнѣ же, еже прилѣпятся Богу, благо есть, полагати во Господѣ упованіе спасенія моего.

И паки:

Вечери Твоя тайныя днесъ, Сыне Божій, причастника мя приими: не бо врагомъ Твоимъ тайну повѣмъ, ни лобзанія Ти дамъ, яко Іуда, но яко разбойникъ, исповѣдую Тя: помяни мя, Господи, во Царствіи Твоемъ.

Послѣдованіе по св. причащеніи.

Слава Тебѣ, Боже. Слава Тебѣ, Боже.

Слава Тебѣ, Боже.

Таже благодарственныя сія молитвы глаголи:

Благодарю Тя, Господи Боже мой, яко не отринуть мя еси грѣшнаго, но общника мя быти святынь Твоихъ сподобилъ еси. Благодарю Тя, яко мене недостойнаго причаститися пречистыхъ Твоихъ и небесныхъ даровъ сподобилъ еси. Но, Владыко Человѣколюбче, насъ ради умерый же и воскресый, и даровавый намъ страшная сія и животворящая Таинства, во благодѣяніе и освященіе душъ и тѣлесъ нашихъ: даждь быти симъ и мнѣ во исцѣленіе души же и тѣла, во отгнаніе всякаго сопротивнаго, въ просвѣщеніе очію сердца моего, въ миръ душевныхъ моихъ силъ, въ вѣру непостыдну, въ любовь нелицемѣрну, во исполненіе премудрости, въ соблюденіе заповѣдей Твоихъ, въ приложеніе Боже-ственныя Твоя благодати, и Твоего Царствія присвоеніе: да во святыни Твоей тѣми сохраняемъ, Твою благодать поминаю всегда, и не ктому себѣ живу, но Тебѣ нашему Владыцѣ и благодѣтелю: и тако сего житія изшедъ о надеждѣ живота вѣчнаго, въ присносущный достигну покой, идѣже празднующихъ гласъ непрестанный, и безконечная сладость, зрящихъ Твоего лица доброту неизреченную. Ты бо еси истинное желаніе, и неизреченное веселіе любящихъ Тя, Христе Боже нашъ, и Тя поеть вся тварь во вѣки.

Великаго Василия, 2-я.

Владыко Христе Боже, Царю вѣковъ, и Содѣтелю всѣхъ, благодарю Тя о всѣхъ, яже ми еси подалъ благихъ, и о причащеніи пречистыхъ и животворящихъ Твоихъ Таинствъ. Молю убо Тя, Блаже и Человѣколюбче: сохрани мя подѣ кровомъ Твоимъ, и въ сѣни крилу Твоею: и даруй ми чистою совѣстію, — даже до послѣдняго моего издыханія, достойно причащатися святынь Твоихъ, во оставленіе грѣховъ, и въ жизнь вѣчную, Ты бо еси хлѣбъ животный, источникъ святыни, Податель благихъ: и Тебѣ славу возсылаемъ, со Отцемъ и Святымъ Духомъ, нынѣ, и присно, и во вѣки вѣковъ. Аминь.

Метафраста, по стихомъ, 3-я.

Давый пищу мнѣ плоть Твою волею, огонь сый и опаляяй недостойныя, да не опалиши мене, Содѣтелю мой: наче же пройди во уды моя, во вся составы, во утробу, въ сердце. Попали терніе всѣхъ моихъ прегрѣшеній. Душу очисти, освяти помышленія. Составы утверди съ костями вкупѣ. Чувствъ просвѣти простую пятерицу. Всего мя спригвозди страху Твоему. Присно покрый, соблюди же, и сохрани мя отъ всякаго дѣла и слова душетлѣннаго. Очисти и омой, и украси мя: удобри, вразуми, и просвѣти мя. Покажи мя Твое селеніе единаго Духа, и не ктому селеніе грѣха. Да яко Твоего дому, входомъ причащенія, яко огня мене бѣжить всякъ злодѣй, всяка страсть. Молитвенники Тебѣ приношу вся святыя, чиноначалія же безплотныхъ, Предтечу Твоего, премудрыя Апостолы, къ симъ же Твою нескверную чистую Матерь, ихъ же мольбы Благоутробне приими, Христе мой, и сыномъ свѣта содѣлай Твоего служителя. Ты бо еси освященіе и единый нашихъ, Блаже, душъ и свѣтлость: и Тебѣ лѣпоподобно, яко Богу и Владыцѣ, славу вси возсылаемъ на всякъ день.

Молитва иная, 4-я.

Тѣло Твое Святое, Господи Иисусе Христе, Боже нашъ, да будетъ ми въ животъ вѣчный, и Кровь Твоя честная во оставленіе грѣховъ: буди же ми благодареніе сіе въ радость, здравіе и веселіе: въ страшное же второе пришествіе Твое, сподоби мя грѣшнаго стати одесную славы Твоея, молитвами Пречистыя Твоея Матере, и всѣхъ святыхъ.

Молитва иная, ко Пресвятѣй Богородицѣ, 5-я.

Пресвятая Владычице Богородице, свѣте помраченныя моя души, надеждо, покрове, прибѣжище, утѣшеніе, радование мое, благодарю Тя, яко сподобила мя еси недостойнаго, причастника быти пречистаго Тѣла и честныя Крове Сына Твоего. Но рождшая истинный Свѣтъ, просвѣти моя умныя очи сердца: Яже источникъ безсмертія рождшая, оживотвори мя умерщвленнаго грѣхомъ: Яже милостиваго Бога любоблагоутробная Мати, помилуй мя, и даждь ми умиленіе, и сокрушеніе въ сердцѣ моемъ, и смиреніе въ мыслехъ моихъ, и воззваніе въ плѣненіихъ помышленій моихъ: и сподоби мя, до послѣдняго издыханія, неосужденно приимати

пречистыхъ Таинъ освященіе, во исцѣленіе души же и тѣла. И подаждь ми слезы покаянія и исповѣданія, во еже пѣти и славити Тя во вся дни живота моего, яко благословенна и препрославленна еси во вѣки. Аминь.

Таже:

Нынѣ отпускаеши раба Твоего, Владыко, по глаголу Твоему, съ миромъ; яко видѣста очи мои спасеніе Твое, еже еси уготовалъ предъ лицемъ всѣхъ людей, свѣтъ во откровеніе языковъ, и славу людей Твоихъ, Израиля.

Трисвятое: Пресвятая Троице: Отче нашъ:

Тропарь Святому Іоанну Златоустому, гласъ 8-й.

Усть твоихъ якоже свѣтлость огня, возсіявши благодать, вселенную просвѣти: не сребролюбія мірови сокровища сниска, высоту намъ смиренномудрія показа, но твоими словесы наказуя, отче Іоанне Златоусте, моли Слова Христа Бога спастися душамъ нашимъ.

Кондакъ, гласъ 6-й.

Слава:

Отъ небесъ пріяль еси божественную благодать, и твоими устнами вся учиши покланятися въ Троицѣ единому Богу, Іоанне Златоусте всеблаженне, преподобне, достойно хвалимъ тя: еси бо на ставникъ, яко божественная являя.

И нынѣ:

Предстательство христіанъ непостыдное, ходатайство ко Творцу непреложное, не презри грѣшныхъ моленій гласы, но предвари, яко Благая, на помощь насъ, вѣрно зовущихъ Ти: ускори на молитву, и потщися на умоленіе, предстательствующи присно, Богородице, чтущихъ Тя.

Аще же будетъ свягаго Василия литургія, чти святому Василию тропарь, гласъ 1-й.

Во всю землю изыде вѣщаніе твое, яко приѣмшую слово твое, имже боголѣпно научилъ еси, естество сущихъ уяснилъ еси, человѣческія обычаи украсилъ еси, царское священіе, отче преподобне, моли Христа Бога, спастися душамъ нашимъ.

Кондакъ, гласъ 4-й.

Слава:

Явился еси основаніе непоколебимое церкви, подавая всѣмъ некра-
домое господство челоуѣкомъ, запечатляя твоими велѣньми, не-
боявленне Василіе преподобне.

И нынѣ:

Предстательство христіанъ:

*Аще же будетъ литургія Преждеосвященныхъ, чти святому
Григорію тропарь, гласъ 4-й.*

Иже отъ Бога свѣще божественную благодать воспріемъ, славне
Григоріе, и Того силоу укрѣпляемъ, евангельски шествовати из-
волили еси, отонудуже у Христа возмездіе трудовъ пріялъ еси
всеблаженне: Егоже моли, да спасетъ души наша.

Кондакъ, гласъ 3-й.

Слава:

Подобоначальникъ показался еси Начальника пастыремъ Христа,
иноковъ чреды, отче Григоріе, ко оградѣ небеснѣй наставляя, и
отгуду научилъ еси стадо Христово заповѣдемъ Его; нынѣ же съ
ними радуешися, и ликуеши въ небесныхъ кровѣхъ.

И нынѣ:

Предстательство христіанъ:

Господи помилуй, 12. Слава, и нынѣ: Честнѣйшую херувимъ:

И отпустъ.

*По причащеніи же да хранитъ себе кійждо къ трезвеніи и
воздержаніи, и немноглаголаніи: дабы въ той день честно со-
блюлъ въ себѣ Христа пріятаго.*

Заповѣди Божіи.

Первая и большая заповѣдь:

Возлюбиши Господа Бога твоего всѣмъ сердцемъ твоимъ, и всею душею твоею, и всею мыслию твоею.

Вторая же подобна ей:

Возлюбиши ближняго твоего, яко самъ себе.

Десять заповѣдей Божіихъ:

1. Азь есмь Господь Богъ твой. Да не будутъ тебѣ бози иніи развѣ Мене.
2. Не сотвори себѣ кумира, и всякаго подобія, елика на небеси горѣ, и елика на земли низу, и елика въ водахъ подъ землею, да не поклонишся имъ, ни. послужиши имъ.
3. Не возмеша имене Господа Бога твоего всуе.
4. Помни день субботній, еже святити его: шесть дней дѣлай, и сотвориши (въ нихъ) вся дѣла твоя, Въ день же седьмый — суббота Господу Богу твоему.
5. Чти отца твоего и матеръ твою, да благо ти будетъ, да долголѣтень будеши на земли.
6. Не убій.
7. Не прелюбы сотвори.
8. Не укради.
9. Не послушествоуй на друга твоего свидѣтельства ложна.
10. Не пожелай жены искренняго твоего, не пожелай дому ближняго твоего, ни села его, ни раба его, ни рабыни его, ни вола его, ни осла его, ни всякаго скота его, ни всего елика суть ближняго твоего.

Три добродѣтели:

Вѣра, надежда, любовь.

Седьмъ святыхъ таинствъ:

1. Крещеніе.
2. Мѣропомазаніе.
3. Причащеніе.

4. Покаяніє.
5. Священство.
6. Бракъ.
7. Елеосвященіє.

Седмь грѣховъ смертныхъ:

1. Гордость.
2. Сребролюбіє.
3. Блудъ.
4. Гнѣвъ.
5. Чревоугодіє.
6. Зависть.
7. Уныніє.

Четыре послѣдняя и достопамятная:

1. Смерть.
2. Судъ Божій.
3. Царство небесное.
4. Геенна.

Исповѣдь общая, церковная, словесная, предъ священникомъ.

Исповѣдуюся Господу Богу Вседержителю, во Святой Троицѣ славимому и поклоняемому Отцу, п Сыну, п Святому Духу, и Преблагословенной Приснодѣвѣ Богородицѣ Маріи, и всѣмъ святымъ, и тебѣ, честный отче, во всѣхъ моихъ грѣхахъ. Во грѣхахъ зачатый, во грѣхахъ рожденный, во грѣхахъ воспитанный, отъ самаго крещенія до сихъ поръ живущій во грѣхахъ, исповѣдую, что согрѣшилъ я противъ всѣхъ заповѣдей Божіихъ:

Противъ первой заповѣди

— маловѣріемъ и невѣріемъ, сомнѣніемъ и вольнымъ мнѣніемъ, суевѣріемъ и самонадѣянностію, — нерадѣніемъ и отчаяніемъ въ своемъ спасеніи, надеждою на себя и на людей болѣе чѣмъ на Бога, и неразумною (излишнею) надеждою на милосердіе Божіе, забвеніемъ о правосудіи Божіемъ и недостаткомъ преданности волѣ Божіей, и непокорностію распоряженіямъ Промысла Божія и упорнымъ желаніемъ, чтобы все было по моему, нетерпѣливостію п ропотомъ, когда что-нибудь дѣлается не по моему желанію, челоуѣкоугодіемъ и пристрастною любовію къ твари; нестараніемъ раскрыть въ себѣ полнаго познанія Бога, и воли Его, вѣры въ Него, благоговѣнія къ Нему и страха Его, надежды на Него, преданности волѣ Его и послушанія Ему, любви къ Нему, стремленія всѣмъ существомъ къ Нему и ревности о славѣ Его.

Противъ второй заповѣди

— порабощеніемъ себя страстямъ: сладострастію, корыстолюбію, гордости, раболѣпствомъ духу времени и мірскимъ обычаемъ, противъ совѣсти, съ нарушеніемъ заповѣдей Божіихъ, лицемѣріемъ и ханжествомъ.

Противъ третьей заповѣди

— богохульствомъ и кощунствомъ ложною клятвою и нарушеніемъ клятвы, — нарушеніемъ обѣтовъ, легкомысленною божбою, неуваженіемъ къ благочестію и людямъ благочестивымъ, презрѣніемъ и насмѣшками надъ ними, стыдливостію по-

казаться набожнымъ и вообще христіаниномъ въ кругу мірскихъ людей.

Противъ четвертой заповѣди

— непочитаніемъ праздниковъ и занятіями, неподобающими праздникамъ: работами, играми, разгуломъ, неблагоговѣйнымъ стояніемъ въ церкви и невниманіемъ къ чтенію и пѣнію, блужданіемъ помысловъ, разговорами и смѣхомъ въ церкви, лѣнностію въ молитвѣ, въ чтеніи Слова Божія и другихъ благочестивыхъ книгъ, оставленіемъ утреннихъ, вечернихъ и другихъ молитвъ, утаиваніемъ грѣховъ на исповѣди и нестараніемъ о должномъ приготовленіи къ причащенію Св. Таинъ, неблагоговѣйнымъ, небрежнымъ совершеніемъ богослуженія, неуваженіемъ къ священнымъ вещамъ и небрежнымъ изображеніемъ на себѣ крестнаго знаменія, несоблюденіемъ постовъ по уставу Церкви, — лѣнностію къ труду и недобросовѣстнымъ исполненіемъ порученныхъ работъ и дѣлъ по должности службы, — теряніемъ попусту многаго времени въ праздности, разсѣянности, забавахъ, пиршествахъ.

Противъ пятой заповѣди

— не должнымъ почитаніемъ родителей и холодностію къ родственникамъ, непочитаніемъ начальниковъ и неуваженіемъ къ старшимъ, неблагодарностію къ благодѣтелямъ, беззаботностію о воспитаніи въ благочестіи подчиненныхъ, потворствомъ или строптивымъ обращеніемъ съ ними, нерадѣніемъ о благосостояніи ихъ и жестокими поступками съ ними;

Противъ шестой заповѣди

— нравственнымъ или физическимъ убійствомъ себя или другого,— притѣсненіемъ и лишеніемъ средствъ къ жизни ближняго, неподаяніемъ помощи къ сохраненію жизни ближняго отъ преждевременной смерти,—оскорбленіемъ ближняго суетнымъ гнѣвомъ, строптивостію въ обращеніи, злословіемъ, ненавистію, причиненіемъ вреда ближнему, враждою, злопамятствомъ, соблазномъ на грѣхъ, бездѣятельностію, пресыщеніемъ себя, упорнымъ сопротивленіемъ истинѣ, ожесточеніемъ во грѣхахъ, совершенною нераскаянностію, непріученіемъ себя не только никого не оскорблять ни словомъ, ни дѣломъ, но и обходиться со всѣми

кратко, вѣжливо, дружелюбно, назидательно, съ гнѣвающимися примиряться, обиды терпѣливо переносить и прощать, благотворить всѣмъ, даже врагамъ.

Противъ седьмой заповѣди

— плотскими грѣхами: блудомъ, прелюбодѣянiемъ, малакiею, сладострастiемъ во всѣхъ его видахъ, страстными поцѣлуями съ другимъ поломъ, нечистымъ осязанiемъ, засматриванiемъ на красивыя лица съ вожделѣнiемъ, сквернословiемъ, любовными пѣснями, безстыдными тѣлодвиженiями, кокетничествомъ, волокитствомъ, сводничествомъ, услажденiемъ нечистыми мечтами, произвольнымъ похотнымъ разженiемъ, чрезмѣрною привязанностию; неумѣренностию въ плотскихъ удовольствiяхъ, невоздержанiемъ въ посты, воскресные и праздничные дни, кровосмѣшенiемъ въ духовномъ и плотскомъ родствѣ, пресыщенiемъ въ пищѣ и питьѣ, чтенiемъ романовъ, разсматриванiемъ соблазнительныхъ картинъ, вольнымъ обращенiемъ и играми съ другимъ поломъ, излишнимъ щегольствомъ, съ желанiемъ нравиться и прельщать другихъ.

Противъ восьмой заповѣди

— воровствомъ, присвоенiемъ чужой собственности, обманомъ, ложнымъ письменнымъ документомъ, обмѣриванiемъ, обвѣшиванiемъ, обсчитыванiемъ, ложною монетою, продажею худого товара, вмѣсто хорошаго, утаиванiемъ найденной вещи, скрыванiемъ вора и покражи, неуплачиванiемъ долга подъ предлогомъ мнимой несостоятельности и другихъ ложныхъ причинъ, поджигательствомъ, попущенiемъ чужой вещи затеряться или попортиться, препятствiемъ выгодамъ другихъ, тунеядствомъ, лихоимствомъ, продаванiемъ по высокимъ цѣнамъ вещей, особенно пищи, во время общей крайней нужды, взиманiемъ подарковъ, святотатствомъ, святокупствомъ, несострадательностью къ несчастнымъ, немилосердiемъ къ бѣднымъ, неподаянiемъ милостыни или помощи нуждающимся, скупостью, расточительностью, роскошью, пьянствомъ, игрою въ карты, вообще безпорядочною жизнью, корыстолюбiемъ, невѣрностью, несправедливостью, жестокосердiемъ.

Противъ девятой заповѣди

— ложнымъ доносомъ, ложнымъ свидѣтельствомъ на судѣ, оклеветаніемъ, очерненіемъ добраго имени ближняго и чести, разглашеніемъ грѣховъ и слабостей ихъ, подозрительностію, сомнѣніемъ въ чести ближняго, перетолкованіемъ словъ и дѣйствій его въ худую сторону, осужденіемъ, пересудами, двоедушіемъ, сплетнями, насмѣшками, остротами на счетъ другихъ, непристойными шутками, злонамѣреннымъ ябедничествомъ, ложью, лукавствомъ, обманомъ, лицемѣрнымъ обращеніемъ съ другими, лестью, пресмыкательствомъ предъ высшими, болтливостію, празднословіемъ; не имѣю прямоты, искренности, простоты, вѣрности, правдивости, уважительности, степенности, осторожности въ словахъ, благоразумной молчаливости, охраненія и защищенія чести и добраго имени ближнихъ.

Противъ десятой заповѣди

— худыми желаніями и помыслами, завистію, внутреннимъ прелюбодѣяніемъ, мыслями и желаніями корыстолюбивыми и властолюбивыми, самолюбивыми и горделивыми, своекорыстіемъ и плотоугодіемъ: не имѣю любви съ самоотверженіемъ, воздержанія, цѣломудрія, скромности въ словахъ и поступкахъ, чистоты сердца, нестяжательности, щедрости, милосердія, смиренномудрія, самоотверженія.

Вообще неусердно забочусь объ искорененіи въ себѣ грѣховнаго расположенія и страстей и объ утверженіи себя въ добродѣтеляхъ. — Зрѣніемъ, слухомъ, вкусомъ, обоняніемъ, осязаніемъ похотнымъ и нечестивымъ, и всѣми помышленіями и словами, желаніями и дѣлами погубилъ я себя; потому что и въ этихъ и въ прочихъ всѣхъ беззаконіяхъ, которыми человѣческая немощь можетъ согрѣшить противъ Господа и Создателя своего, или помышленіемъ, или словомъ, или дѣломъ, или услажденіемъ, или вожделѣніемъ согрѣшилъ и, и сознаю себя болѣе всѣхъ дюдей виновнымъ предъ лицемъ Божиимъ, и исповѣдуюсь въ этихъ всѣхъ и другихъ безчисленно многихъ моихъ грѣхахъ; которые мною сдѣланы волею и неволею, вѣдѣніемъ и невѣдѣніемъ, самимъ мною или чрезъ другихъ и съ другими, которыхъ всѣхъ и

припомнить не могу, по причииѣ ихъ множества, которые не припомнилъ, тѣ всѣ безъ утаенія сказаль. Повинень, безотвѣтенъ я предъ Господомъ Богомъ моимъ, каюсь во всѣхъ сказанныхъ и несказанныхъ мною грѣхахъ, душевныхъ и тѣлесныхъ прегрѣшеніяхъ, которыми Бога моего и Творца прогнѣваль, ближняго моего онеправдоваль и себя самого очернилъ: искренно объ этомъ жалѣю и желаю раскаяться и больше не грѣшить — всевозможно удерживаться отъ грѣховъ. Но, какъ слабый и вовсе безсильный — самъ по себѣ — на дѣла благая, смиренно, со слезами молю Тебя — Господа Бога — Спасителя моего, помози его исправленія. Ибо искренно сожалѣю о моихъ согрѣшеніяхъ, желаю раскаяться въ нихъ и впредь, при помощи Божіей, сколько возможно, блюстись отъ нихъ. Прости меня, отче святой и разрѣши, и помолись о мнѣ грѣшномъ. Аминь.

ОГЛАВЛЕНИЕ:

†МОЛИТВЫ УТРЕННІЯ.....	4
†МОЛИТВЫ ВЪ ПРОДОЛЖЕНІИ ДНЯ.....	15
†МОЛИТВЫ НА СОН ГРЯДУЩЫМЪ.....	17
†КАНОНЪ ПОКАЯНЫЙ КО ГОСПОДУ НАШЕМУ ИИСУСУ ХРИСТУ.....	26
†КАНОНЪ КО ПРЕСВЯТЪЙ БОГОРОДИЦЪ.....	30
†КАНОНЪ АНГЕЛУ ХРАНИТЕЛЮ.....	35
†АКАѦИСТЪ КО ПРЕСВЯТЪЙ БОГОРОДИЦЪ.....	40
†ПОСЛЪДОВАНИЕ КО СВЯТОМУ ПРИЧАЩЕНІЮ.....	47
†ЗАПОВЪДИ БОЖІИ.....	66
†ИСПОВЪДЬ ОБЩАЯ, ЦЕРКОВНАЯ, СЛОВЕСНАЯ, ПРЕДЪ СВЯЩЕННИКОМЪ.....	68